



Шуҳрат РИЗАЕВ



ДИСКОГЕКА

(2 қисм, 7 кўринишили)

Замонавий ёшлар ҳаётидан саҳналар

Иштирок этувчилар:

Ойбек - Иқтисодиёт коллежининг охирги курсини битириши арафасида турган жисмоний бақувват, кўркам ийгит.

Сабоҳат - Ойбекнинг сабиқ синфдоши, тиббиёт коллежи битирувчиси.

Дилбархон - 42-43 ёшларда. Ойбекнинг онаси. Мактабда муаллима.

Шавкат - 46-47 ёшларда. Ойбекнинг отаси. Университет доценти, филолог.

Зоир ота - 80 ёшларда. Шавкатнинг отаси. Ёшига муносаб, озода кийинган.

Мастурахон - 40-42 ёшларда. Сабоҳатнинг онаси. Одми қиёфада.

Малоҳат - 14-15 ёшларда. Сабоҳатнинг синглиси. Мактаб ўқувчisi.

Гулнора - 36-38 ёшларда. Сабоҳатнинг холаси. Замонавий дид билан кийинган.

Санжар, Равшан, Феруза, Кундуз - Ойбек ва Сабоҳатнинг синфдош дўстлари. Турли коллеж, академик лицей талабалари. Барчалари кўп қаватли уйларнинг бир ҳовлисида яшашиди.

Воқеа шу кунларда Тошкент шаҳрида бўлиб ўтади.

Биринчи қисм 1-кўриниши.

Театр саҳнаси тўлиқ дискотека шаклида жиҳозланган. Овоз кучайтиргич аппаратлари ўрнатилган. Кичик саҳна — эстрада. Диск-жокей эҳтирос билан бугунги дискотека репертуарини тушунтиради, сўнг наебати билан саҳнада 17-19 ёшлар чамасидаги бир неча ийгитлар замонавий эстрада қўшиқларини кўйладилар. Гоҳи машҳур чет эл хонандалари ижросидаги энг янги эстрада қўшиқлари ёзилган дисклар қўйлади. Дискотекага келган ёшлар спектаклга келган олий ўқув юртлари, коллеж ва академик лицейлар талабалари, юқори синфлар ўқувчилари ҳамма росмана дискотекада бўлганидек ўзини ҳис этиши, ўйин-кулгу билан машғул бўлиши лозим.

Пьеса қаҳрамонлари Ойбек, Сабоҳат, Равшан, Феруза, Санжар атрофдаги тенгкорлари билан берилиб рақсга тушмоқдалар. Ойбек гоҳи ажралиб, ўртоқларига поп ёки рок, данс ва ҳоказо ўйинларини намойиш этиб, улар ҳақида айrim маълумотларни ҳам гапириб туради, керакли ҳаракатларини аввал ўзи кўрсатиб бериб, қолгандарни ҳам шу тахлит ҳаракатлар қилишига ундаиди. Барча қўшилади. Юқорироқда бар - турли спиртсиз ичимликлар, шарбат қуттилари билан безатилган. Куйироқда мўъжазгина столлар ва стуллар. Даврага чиқмаганларнинг айримлари сув, кола, турли шарбатлар ичиб, айримлари енгил бутерброд, гамбургерлар истемол



қилиб ўтиришибди. Дискотека нүхоятда қизгин давом этади. Мусиқа ва рақслар авжига чиққанида рақсга тушаётгандар орасидан Сабоҳат ажралиб чиқиб, чеккароқ столда якка ўзи кала ишиб, рақс тушаётгандарни дикқат билан кузатиб ўтирган Қундузнинг олдига яқинлашади.

Сабоҳат: Кундуз, томоша қилиб ўтираверасанми? Рақсга тушмайсанми?

Кундуз: Нима, халақит беряпманми? Маза қилиб томоша қиляпман ўйинга тушаётгандарни... Ана, ана, қара, Ойбекни... роса келиштириб ўйнайди-да. Эҳтиёт бўл, йигитингни тортиб олишмасин, атрофидан қизлар кетмай қолди.

Сабоҳат: Нима қилибди? Чиройли ўйнаган одамга ҳамма эътибор қиласди-да. Ойбек ҳам рақсга тушяпти, ҳам бошқаларга ўргатиб турибди. Диск жокейниям бир чеккага чиқариб қўйди.

Кундуз: Рашик қилишниям билмайсан-а, Сабо?!

Сабоҳат: Рашик, шубҳа ишончсизликдан келиб чиқади. Мен Ойбекка ишонаман...

Кундуз: Жуда соддасан-да! Ҳозирги йигитларга ишониб бўларкани?! Бойвачароқ ликвидоқларни кўрса, оғиб кетаверади ўшаларнинг кетидан. Ана, биттаси келяпти, бўтириқиб...

(Санжар шодон ҳолда, ўйноқлаб келиб, Қундузнинг яримлаган "кола"сини олиб, бутилкадан кўтаради)

Кундуз: Бунча ютоқмасанг, тикилиб қолмасин, тағин.

(Шу тобда Санжар қалқиб кетиб, Қундузга оғиздаги "кола"сини туркаб юборади. Сабоҳат кулади)

Кундуз: Э-эй, жиннимисан, Санжар?!

Санжар: Сув ичаётганда илон ҳам чақмас экан. Сен бўлса "вишиллаб" турасан. Мана ўзингта ўзинг қилдинг. Сабога ўхшаб жим турсанг, ҳеч нарса бўлмасди. Юрларинг, рақсга тушамиз. Нимага келгансанлар бу ерга ўзи?

Сабоҳат: Санжар, беодблик қилиб қўйиб, бир оғиз кечирим ҳам сўрамайсан-а?

Кундуз: Шу кечирим сўрайдими?! Калламни олиб ташларман...

Санжар: (сурларча): Нима ман, парот қилдимми? Ҳаммадаим бўлади-ку, тўсатдан.

Кундуз: Ойбек тўсатдан акса урсаем узр сўрайди.

Санжар (жасал билан): Ман Ойбек эмасман...

Кундуз: Бўлолмайсан ҳам!

Сабоҳат: Кўйинглар, болалар.

(Шу сонияда уларга шодон ҳолда ўйноқлаб Феруза яқинлашиди)

Феруза: Эй, ўйнаб олсаларинг-чи, мазза қилиб. Бирпастдан кейин дискотека ёпилади-ку! Санди, Сабо, Кундуз, юрларинг...

Кундуз: Э, сан бормидинг энди. Бор, сакрайвермайсанми?!

Санжар: Бўпти, жириллайверма! Бошқа "кола" олиб берсам куттиламаним?!?

Феруза: Ҳаммамизга, гамбургери билан... Ўзи нима муносабат билан зиёфат қиляпмиз?

Санжар: Кундузнинг қовоги очилсин, чакаги ёпилсин деб... (бар томонча кетади)

Кундуз: Ўв, оғзингта қараб гапир! Зормасман ўша сан олиб берадиган "кола"га.

Сабоҳат: Кундуз, кўйсанг-чи, ҳозир бир ишқал чиқарасан!

Кундуз (зарда билан): Ўзини кўрмайсанми, кўполлигини!

Сабоҳат: Сенга эркалик қилди-да. Ҳаммамиз ахир бирмиз-ку! Бир-биримизга ҳадлимиз сикқанидан шунақа қилди. Хафа бўлма!

Феруза: Қизлар, ўйнайлик, юрийлар...

Равшан (даврадан чиқиб, қизларга қараб келади): Эй, ҳозир бирпастда тугайди дискотека, мазза қилиб олсаларинг-чи!

Феруза: Мен ҳам шуни айтапман-да...

(Бир қўлида гамбургерлар тахланган тарелка, иккинчи қўлида учта "кола" кўтариб олган Санжар столга яқинлашади. Феруза қийқириб юборади) Санди, даҳшат-ку, зўрсан-да, ўзинг!

Кундуз (Ферузага зарда билан): Очингдан ўлиб коляпсанми, намунча ютоқасан?!

Равшан: Э... э... "Пир" экан-да бутун...

Сабоҳат: Ойбекниям чакрайлик...

Равшан: Ойбексиз ҳеч нарса ўтмайди-а, томоғингиздан?!?

Феруза: Тўғри-да, ҳаммамиз бирга ўтирайлик деяпти Сабо.

(Ойбекни чакришиади. Олтөволон стол атрофида жам бўлишиади. Айримлар тик, баъзилари ўтирган ҳолатда)

Равшан: Дискотека деган нарсани чиқарган одамга қойилман-да!

Ойбек: Ха, ўзиниям унутмаган, ўзгаларниям.

Феруза: Бу нима деганинг?

Ойбек: Айтмоқчиманки, дискотекани ўйлаб топган одам аввало чўнгагини ўйлаган. Ўзи бошида энди-энди грампластинкалар чиқа бошлаган пайтда пластинкалар сақланадиган жавонни дисковека деб аташган. Ресторан, барларда шунақа жавонлардан пластинкаларни олиб, қўйиб турадиган маҳсус одамлар бўлган.

Равшан: Чойчақаси тузуккина бўлган бўлса кераде, а?

Санжар: Албатта, нима, сенга текинга қўядими? Кейин, дуч келган музикани қўявермайди-ку! Одамларни хоҳишига, дидига қараб танлаб қўйган-да, пластиинканиям...

Ойбек: Тўшига-тўғри. Худди ўшанака одамларни дискожекей дейишган. Қараса одамларга шу нарса ёқинти. Улар бир жойга йигилиб олиб, ўйнайди-кулади, маза қиласди. Маза қилиш эса пул туради, тушундингми?

Санжар (маъноли кулиб): Маза учун доим пул тўлаш керак, шунақами?

Кундуз: Нима, олган нарсаларингни миннат қиляпсанми?

Санжар: Сасима ўв, нима бугун чап томонинг билан турганимисан?

Сабоҳат: Боллар, урушаверманглар ҳадеб.

Ойбек: Лекин Санжар тўғри айтапти. Мазза учун доим пул тўлаш керак. Ҳеч ким бекорга иш қилмайди.

Кундуз: Нима деяпсан, Ойбек? Ҳовлимиздаги чолкампирларнинг қандай иши бўлса, югуриб-елиб, бажарип юрасан-ку! Ё улар ҳам бекоргамасми?

Ойбек: Чол-кампирлар бошқа. Улар қариди, кучкүватдан қолган одамлар. Қарашибадиган кишиси йўқ, қарияларга раҳмим келади.

Равшан: "Ҳамма ҳар куни савоб иш қилиши керак", тўғрими?!

Ойбек: Тўғри, савоб иш қилиш керак... Шиорлар ҳам бекорга ёзилмайди-ку! Бир нарсага эътибор қилганимисилар, болалар. Кўчаларда энг қўринадиган жойларга ҳар хил шиорлар осиб ташланган. Шуларни олдидан ҳамма бепарво ўтаверади. Қизифи шундаки, кунига ўн марта ўтсак, ўн марта кўз қиримизни ташлаб, ўқиб қўямынгиз-у, барбири аҳамият бермаймиз. Қачонки ҳётингда шиорда айтилган гапга мос воқеа юз берса, шунда унинг қадрини хис қиласан. Шиор шунчаки сўзлар эмас, энди у ҳодисага айланади, сен учун маънно-мазмун касб этади. Шунинг учун қачон ўша шиорни ўқиб қолсан, бирдан ўзимга савол бераман: бугун нима савоб иш қилдим, деб. Кейин ўша ҳовлимиздаги қариялардан бир хабар олиб қўяман.

Феруза: Ана, беминнат, бекорга иш қиларкансан-ку!

Ойбек: Очиги, буниям бекорга деб бўлмайди. Савоб иш қилиб ҳам маза қилиш мумкин. Бечора одамларга ёрдамим тегса, ич-ичимдан ҳузур қиласан.

Сабоҳат: Қанийди, ҳаммаям шунақа ҳузур қиласа!?

Санжар: Бечора одам бу қўлидан бир иш келмайдиган, ношуд одам дегани. Бунақаларга ачиниш керакмас...

Кундуз: Эшиттингларми, бу олдига қўл чўзиб келса, гадойгаям бир тийин бермайди.

Феруз: Жуда оширвординг...

Санжар: Тўгри, бермайман! Нега берар эканман? Гадойларнинг дастидан на кўчада бемалол юроласан, на машинада бирор светафор олдида тўхтоласан.

Равшан: Машинада-ку эшик ойнасини ёлиб олиб, без бўлиб ўтираверасан, охири тоқати тоқ бўлиб, ўзи кетиб қолади. Катта кўчадаги, парклардаги гадой қизча, болачалар ёмон. Искринг қўлини оёқ-қўлларингга теккизиб, ўпид, хиалик қилаверида.

Ойбек (Сабоҳатга маъноли қараб қулиб): Айниқса, қизи билан кетаётганлар бўлса, ёмон ёпишади-а?

Феруз: Уялганидан ҳам бериб юборади дейди-да. Улар ҳам анонимас. Болачаларнинг орқасидан оналари ўргатиди туради...

Санжар: Хўш, шулар бечорами?! Шуларга ёрдам бериш керакми?!

Ойбек: Йўқ, булар бечорамас, фирт текинхўр! Уларга садақа берган одам нотўғри иш қиласди. Биологияда ўқитишган-ку, ҳар қанақа микроб текинхўрлик ҳисобига урчиб кетади. Шулардан кутилай деб ўша ёш болачаю оналарига садақа бердингми, тамом, улар текинхўрлигини давом эттираверади. Билиб-билимай ўзимиз айборд бўлиб чиқамиз шунача ишларда.

Кундуз: Кизиксан-а, Ойбек! Бир бечора дейсан, бир текинхўр. Кайси гапнингга ишониш керак.

Ойбек: Менинг ҳамма гапимга ишонавер.

Феруз: Нима, гадойларни муҳокама қилишга келганимизи?! Бўлди, туринглар, рақсга тушамиз...

(Санжарнинг қўлидан тортиб, иккови рақс тушаётганлар даврасига қўшилишади)

Равшан: (Ойбекка қаратади) Анауву кунги учрашувда ҳазиллашмадингми. Ойбек?

Ойбек: Ахир қўл ташлашдик-ку!

Равшан: Тўғрику-я, лекин... Уйингдагиларга нима дейсан?

Ойбек (ўйланиб): Билмадим, энг қийини - адамлар... Ойим тушунадилар, уларни кўндириса бўлади. Аммо адамга тушунтириш оғир. Бирдан ёниб кетадилар...

Кундуз: Нима ҳақида гаплашяпсизлар? Биз ҳам бисак бўладими?

Равшан (ҳазил билан): Болатой, ҳар нарсанинг вақти-соати бор. Кўп билсанг, эрта қарийсан.

Кундуз: Вой савил-эй, жуда доно бўлиб кетибсизларми?!

Сабоҳат: Бир-биримиздан ҳеч нарсани яширмаймиз деб келишувдик-ку!

Ойбек: Йўқ, сир эмас, қизлар. Фақат ҳали хом гап. Шунинг учун очик айтмай турбимиз.

Равшан: Тушунмаяпман, Ойбек! Бир қўл ташлашдик дейсан, бир хом гап дейсан...

Ойбек: Ўртоқ, гап битта, ниятимдан қайтмайман!Faқат уйдагилар билан боғлиқ муаммони ҳал қилиш керак дедим-ку. Шунинг учун ҳозирча очик айтломаяпман.

Кундуз: Хамонки гап бошладингми, айт...

Равшан (кулиб): Бўлмаса Кундуз "тарс" ёрилиб кетади...

Сабоҳат: Кўй, Кундуз! Айтиб бўлмайдиган гапдурда... Вақти билан билиб одармиз...

Кундуз (Сабоҳатга): Ҳа, писмиқ. Сенинг ҳам тилинг бир. Ҳаммасини биласану, сир сақлайсан...

Ойбек: Сир эмас дедим-ку, Кундуз. Шунчаки пишмаган бир гап - ман мустақил бўлмоқчиман.

Кундуз (энсаси қотиб): Нима, қанақа мустақил? Кулодимга лафмон осмоқчимсан?

Равшан (истеҳзо билан): Нега тушунмайсан? Мустақиллик деган сўзни бир кунда юз марта эшитасанку, шу-да.

Кундуз: Сиз давлат жуни билан шахсий жунингизни аралаштираманг. Биз ҳам жуда тупой эмасмиз!...

Ойбек (кулиб): Прикол! Ясадинг, Кундуз!

Кундуз (жасаҳ билан): Борларинг э, ман сенларни одам десам... (ўрнидан туриб нари кетади)

Сабоҳат: Жуда оширворасанлар-да... (Кундузни юпатиш учун туриб кетади).

Равшан: Хафа бўладиган гап қиласмадик, шекилли?

Ойбек: Кундузнинг жаҳли бурнининг учда туради. Лекин юрагида кири йўқ. Кўнглидатини шартта айтади қўяди.

Равшан: Шунинг учун уни кўпчилик "ҳазм қилолмайди"-да. Биласан-ку, мактабда уришмаган ўқитувчиси қолмаган эди.

Ойбек: Тўгри, лекин шу характеристи учун ҳам хурмат қиласа арзийди. Эсингдами, кураторимиз ҳадеб бўлар бўлмасга пул йигаверганда, фақат шу қиз туриб: "Сиз ўқитувчимисиз ё пул йигадиган инкастормисиз", деб айтганди. Биз бирортамиз журъат қилолмасдик. Фақат норози бўлиб, ўзимизча мингирлаб қўярдик.

Равшан: Нега энди, сен ўшанда унинг ёнини олгансан-ку! Лекин эртасига у ҳам, сен ҳам ҳамма қатори пул олиб келиб бергансизлар...

Ойбек: Ор-номус деган гаплар бор-да, ўртоқ, пасткаш деган ном олгим келмасди...

(Сабоҳат яқинлашади)

Сабоҳат: Кундузнинг феълини биласизлар-ку! Шунга қараб муомала қилсанглар бўлмайдими? Болалар менинг мазах қилияти деб, жуда хафа бўляти.

Равшан: Бўлди, ўзим юпатаман уни. Даврага тортиб, бир ўйнатай... (туриб кетади)

Ойбек: Сен билан ҳам ёлғиз қоладиган пайт бўларкан-ку, Сабо. Бирпас ўтири.

Сабоҳат: Ҳа, нима дейсан, гапинг бормиди?

Ойбек: Сенда қачон гапим бўлмаган?

Сабоҳат (қизарип ерга қарайди): Жуда қизиксан-да, Ойбек. Яхшиси кетайлик. Ойимларга икки соатда келаман дегандими. Уч соат бўлиб кетди.

Ойбек: Бироз тўхта! Борасан ўша томи қийшиқ ўйнита...

Сабоҳат: Ўйлаб гапирияпсанми? Худди ойимнинг феъларини билмайдигандайсан-а?!

Ойбек: Биламан, (кулиб) бошингда ёнғоқ чақадилар, лекин ойинг менга ишонадилар-ку!

Сабоҳат: Ҳа, ишонадилар... Лекин бек келганим учун менга индамай қўя қоладилар, дегани эмас-да.

Ойбек: Ҳа, бўлти, кетамиз. Фақат бир саволимга жавоб бер.

Сабоҳат (ҳайрон бўлиб): Нима савол экан у?

Ойбек: Нега ўзингни билмасликка соласан? Кечаги гап-чи?! Ахир ўқишилар тугашига бир ҳафта қолди-ку!

Сабоҳат (ерга қараб, ўйланиб қолади): Тўгри-ку, аммо у гапни ойимдан сўраш даҳшат... Сен ҳатто тасаввур ҳам қиломайсан.

Ойбек: Эртаю кеч тиним билмай, қизларининг дардида ёниб-куйиб юрган ойинг унака жуда қисти-бастига олмасалар керак!

Сабоҳат: Шундай дейсан-у, лекин сира журъатим етмаяти.

Ойбек: Ўзинг, холам бор, шуларни баҳона қиласман деб, жуда пухта режалар тузиб кўйувдинг-ку!

Сабоҳат: Тўгри, ҳалиям ўша режадан воз кечганим ўйқ, бироқ қанақадир бир далда, туртки керак бўлятида.

Ойбек: Мана мен далда... (бегараз қувлик билан) Мени ўйлаб турсанг, журъат ўз-ўзидан келади. Ёки мени ўйласанг, тилинг айланмай қоладими-а...

Сабоҳат (енгил киноя билан): Жуда ўзингизга ортиқча баҳо бериб юбормаяпсизми?

Ойбек: Ҳа, нима... ойинг мени яхши кўрадилар...

Сабоҳат (бегубор истеҳзо билан): Яхши қўрадилар эмас, хурмат қиласадилар. Сени жуда ақдли бола дейдилар. Аслида эса томинг кетганлигини билмайдилар.

Ойбек: Нима, нима... (ёлғондан ҳезланиб). Умуман олганда тўгри, сизларни уйда мени яхши кўрадиган одам битта, (жиддийлашиб, ҳаяжон билан) фақат битта... (маъноли жисмаяди).



Сабоҳат (қизаріб, күзини ерга қадайды, бир-икки сониядан сунға): Бўлти, энди кетайлик.

Ойбек: Савол жавобсиз қолди-ку?!

Сабоҳат (ташишиланаб ва қизаріб): Бугун-эрта айтишга ҳаракат қиламан, бўлдими, кетдик. Мен болаларни чакрирай.

(Шу тобда музика тинади. Дискожеке дискотека тугаганини эълон қилиди. Саҳнада пайдо бўлган икки-уч каттароқ ёшли бақувват қўриқчи йигитлар дискотека тамом бўлганини эслатиб, болаларни саҳнадан чиқара бошлийдилар.)

Парда.

2-кўриниш.

Парда очилади. Кўп қаватли уйнинг ўртача таъмиrlанган квартиralаридан бири. Тўрда китоблар билан тўла жавонлар, стол-стуллар, диван, кресло. Бу домла Шавкатнинг хонадони. Саҳна чеккарогида яна бир кичикроқ стол. Фартук боғлаб, бошидаги прি�ёссасини рўмўл билан енгил тангиган Дилбархон тахтагача куличатойларни таҳлаб, кесиб, норин ҳамирни тўғрамоқда. Гоҳ-гоҳ тахтадаги тўғралган ҳамирни олдиндаги тоғорага бўшатиб туради. Радиомагнитафондан Юлдуз Усмонованинг "Болажон" қўшиги майин таралмоқда.

Умр оқиб кетар экан тез кунда, ҳей,
Фарзанд катта бўлар экан бир зумда, ҳей,
Тушумрас экансиз уларни
Кунда бир эсланг ёшлик даврини
Сакланг оқибатни...

Эшик қўнгироги ҷалинади. Дилбархон магнитафон овозини паастлаб, бориб эшикни очади. **Мастурахон** (Сабоҳатнинг онаси) кириб келади.

Дилбархон: Келинг, келинг, қўшни, бормисиз?

Мастура: Ўзингиз бормисиз? Қачон Mastuрахон хабар олар экан деб, кутиб ўтирумай, чиқсангиз бўлмайдими? Узоқдаги қариндошдан яқиндаги қўшни афзал, деган гаплар бор-а, ўргилай.

Дилбархон: "Дом"чилигам бор бўлсин, Mastuрахон. Эрта кетасиз, кеч келасиз. Келдиз овқатга уннайсиз, кирчир, уй юмушлари дегандай.

Мастура: Ҳа, Унсинхонни узатиб, бор уй юмушлари ўзингизга қолиб кетди, шекилли... Бунақа десам. Ойбек ҳам эркакман деб қараб турадиган боллардан эмас-ку. Ош-овқат, кир-чирга қарашиб кетаверади, шекилли, барака топкур.

Дилбархон: Ҳа, нимасини айтасиз. Ҳар ишга моҳир. Бутун ҳам ўқишидан келди-ю, ҳамларни пиширишиб, олдимга қўйиб, гўштини, совуб турсин, келиб ўзим тўғрайман деб, жавоб олиб, чиқиб кетди. Ҳа, айтмоқчи (савол оҳангি билан). Сабоҳатлар билан бирга нариги мавzedаги дискотекага бориб келамиз деб айтганди-ку?

Мастура: Шундан хавотир олиб чиқдим-да, қўшни. Сабоҳат икки соатларда келамиз деган эди, уч соат бўляпти дараги йўқ. Сиз билмадизми... келиб қолишармикан?

Дилбархон: Келиб қолишиади. Эсли-хушли болалар...

Мастура: Эсли хушлиги, барибир бола-да. Булар тегмаса, буларга келиб тегинадиганлар бўлар... Бу дискотека деганларида бир кўча ёш-яланг йигилиб олгандан кейин, худо билади, не шайтонлар ораламас экан. Ўша ажралмас олтволон борамиз деганига, қатордан қолмай қўя қолсин девдим-да. Бунақа ҳаяллашларини билсан, сира йўлатмасдим.

Дилбархон: Хавотирланаверманг, худога шукр, тинчлик-омонлик, ёшлар бари кўчада, вақларини хуш ўтказишга не-не шароитлар бор. Ҳаёт яхшики, одамлар иш, ўқищдан кейин кўчаларга чиқади, сайд қилади, сайдгоҳларга боради. Ҳар даврнинг ўз хислати, ўз фазилати бор-да... Келинг, ундан кўра менга қарашинг. Бир дунё ҳамирни қачон тўғраб улгурман... (**Мастура** ҳам столча олдига келиб, норин тўғрашга киришади)

Мастура: Бунча кўп? Шу илиф-иссиқда бунча норин шартмиди? Ё лозиманда борми?

Дилбархон: Ўзбекчилик ҳам бор бўлсин... Ҳеч лозиманда камаймайди. Киз узатиб, тинчийман деган одам чучварани хом санаркан. Қудамизнинг ҳали у опаси, ҳали бу яқини "келин салом"га чақириб чарчашибади. Иш десанг, баҳона қилипти дейди, бормасанг бўлмас...

Мастура: Ўртоқжон, емоқнинг қайтмоғи бор дейдилар. Чакириб-чаллаб, ўтқазиб қўйгандан кейин қиласиз-да. Бошқа не иложингиз бор. Қуда-анда, орзуҳавас шу-да! Тағин ҳам яхши одамлар экан, ҳайитбайрам қилмаймиз десангиз, индамай кўнишиди-ку!

Дилбархон: Вой, вой, вой... Нима деганингиз у?! Мана шунақа маломати ёмон-да! Ахир таклиф қудаларнинг ўзидан чиқди-ку! Аёл қудамиз қутлуғ сафарга бораман дедилар. Келиним уриниб қолади. Битта катта бош бўлиб турмаса, "ҳайит" қилишнинг ўзи бўладими?! Бу ёқда Шавкат акангиз ҳам, қолаверса ўзим ҳам шу фикрда эдик. 50-60 талаб тогора қилиб, 3-4 кун эскитиб уларни, кейин ҳузурини аригу-зовур кўрадими?! Бу исроғарчиликлар ўрнига, уч-тўрт сўм жамғармаси бўлса, жўяли жойига сарфлаган маъқулмасми?

Мастура: Ўдум, ўргилай, удум. Урф-одатимиз отабобомиздан ўтиб келаяпти. Ахир ўзинглар ҳам мактабингларда қадрият, урф-одат, деб, ўқитиб ётасизлар-ку! Шу-да қадрият. Ўлиб-тирилиб мол-ҳол қилиб, қизни узатсангизу, унинг сепи, зеби-зийнатини дўст-душманга ҳайит-байрамларда кўз-кўз қилмасангиз, қадрият бўладими, оқибат бўладими?

Дилбархон: Ёлғон дабдабаю, кўзбойламачиликлардан кимга зиён-у, кимга фойда?! Бир сўм пулни пешона тери билан топсангиз, албатта уни нимага сарфляйман деб ўйлаб қоласиз. Мана ўзингиз... ахир туни билан кўйлак тикиб, тонг саҳар касалхонага бориб, супуриб-сидириб, не азобларда топган маблагингизни сувга оқизиши алам қилмайдими?!?

Мастура: Нега оқизарканман? Нуқул исроф дейсиз. Ҳайит-байрам ўтганидан кейин қариндош-уруг, кўнишнинг улашиб беради.

Дилбархон: Mastuрай, бутун ҳеч ким очидан ўлиб, қорин илинжида эшикма-эшик юргани йўқ. Бирор бирорга зор эмас. Ўзини ҳурмат қилган одам эскиб бузилган таомни емайди. Шундай экан, исроғарчилик бўлиши аниқ.

Эшик қўнгироги жиринглайди.

Мастура (чехраси ёришиб): Болалар келишиди, шекилли.

Дилбархон бориб эшикни очади. Ҳонага кириб келаётган Шавкатнинг ҳазил аралаш товуши эшиштади.

Шавкат: Дилбар — давр қизи, қалайсиз. О... бутун жуда очилиб кетибсиз. "Фозадин юзларда тобу, кўйлар хинодин лола ранг" (Фузулий сатрини ўқиши шўх-шашн ва туйқус Mastuрага кўзи тушиб, ўзи ҳам қизиргача қўшини аёл билан сўрашади). Э, э, Mastuрахон... яхшимисиз, болалар дурустми (шишиб, ўз хонасига ўтиб кетади)

Мастура: Шавкат ака жуда ажойиблар-да. Гоҳо телевизорларда чиқсалар, суюниб кетаман шундай одамга қўшилигимдан. Ишхонада мактаниб ҳам юраман ҳавасланиб.

Дилбархон: Раҳмат, раҳмат, Mastuраой. Акангизнинг топган-орттирганлари шу қуруқ обрў, озигина шон-шуҳрату, бир уй китоб...

Мастура: Вой, нима, камми бу? Шуларнинг орқасида дабдабаю асаса билан тўй қилдилар... Қаёқка борсангиз тўйингларни овозаси. Ўша Шавкат акани сиз айтган қуруқ обрўю шон-шуҳратларидан шунчалик бўлса, бошқасиники қанака бўларкин? Орзу-ҳавас ҳам жуда ошиб кетаяпти-да (чукур ҳўрсаниб). Илоё, мени қизларимгаям шундок тўйлар насиб қилсин.

Дилбархон: Ҳудо хоҳласа, насиб қилади. Қизларингиз попукдай. Ҳулқи одоби, меҳнаткаш "лочин" лигини айтмайсизми буларнинг. Сабоҳатнинг келин бўлиб тушса, ҳар хонадонни яшнатади, барака топкур.

Мастура: Жуда одамнинг кўнглини кўтарворасизда, ўргилай... (*Шу пайтда хонага аста томогини қириб, уй кийимида Шавкат кириб келади*)

Шавкат: Ҳорманглар, ҳорманглар! Хирмонга барака (*ваннахонага ўтиб боради*). **Мастура довдираб, салобат босиб, яна салом беради** Ваалайкум ассалом.

Мастура: Ҳўжайнингиз жуда салобатларда. Одам галати бўлиб кетади... Олим одамни ўзиям, сўзиям қизик, ҳали шеър ўқидиларми — гоз... фўза деб? Нима дегани у? Кейин нега Сизни доим "Дилбар—дavr қизи" дейдилар?

Дилбархон (кулиб): Фўза эмас, фоза — қадимиглар упа-элик соладиган қутини шундай деркан... Акангиз Ойбекшунос олимлар. Умр бўйи шу ёзувчининг ижодини ўрганадилар. Номзодлик ишлари ҳам Ойбекдан. Ўрганавериб, ҳаммамизга Ойбек асарларидаги қаҳрамонлар исмларини кўйиб олганлар. Мениям исимим Ойбекнинг "Дилбар—дavr қизи" деган достонида биринч марта қўлланган экан. Шундан ҳазиллашиб, менга "Дavr қизи" деб лақаб қўйиб олганлар.

Мастура: Э, э, Ойбекнинг исмиям шундан эканда, а...

Дилбархон (кулиб): Қизимиз Унсинхонникиям.

Мастура: Ҳа-я, "Кутлуғ қон" китобида Йўлчининг Унсин деган синглиси бўладику-а?

Дилбархон (хандон ташлаб кулиб): Топдингиз, топдингиз. Буёнини суриштирангиз, менинг ҳам исмимни эшитиб, ўзимни ҳали кўрмаслариданоқ "шу қизга уйланаман" деб туриб олган эканлар...

Мастура (ҳам кулиб, ҳам ҳайратланиб): Ростданми,вой, тавба, Шавкат aka шунақамилар ҳали...(хонага яна томоқ қириб Шавкат кириб келади)

Шавкат: Шавкат акангларнинг роса қулогини қизитаяпсизлар, шекилли. Тинчлики?

Дилбархон: Мастурахонга сизнинг ойбекшунослигингиз сабаб менга уйланганингизни гапириб бераётувдим.

Шавкат: Ҳа, ҳа, яхши. Ойбекшунослигим туфайли нафақат сизга уйланганман, Мастурахоннинг синглисига ҳам исми Гулнор бўлгани учун репититорлик қилганман. Айтиб бермаганими?

Мастура: Ҳа, ҳа, айтган. Дастрлаб шу уйга кўчиб келганимизда, сизни учратиб қолиб, Шавкат aka мани тил-адабиётдан ўзиша тайёрлаганлар деганди.

Шавкат: Тўри, шундай бўлган. Яхши юрибдими Гулнор, ўзидан кўпайиб? Ишлари дурустми? Нима қилаяпти ҳозир, врач эди, шекилли?

Мастура: Дўхтир, тиш дўхтир... Ишини давом эттираяти. Аммо ҳозир у ҳам бизнесмен бўлиб кетган.

Шавкат: Савдо гарчилик қиляптими?

Мастура: Йўғ-э, дўхтироҳона очган, "часнўй". Ўзи билан бирга ўқиган қашқадарёлик бир йигитга турмушга чиқиб, ўша ерда бола-чақа, уй-рўзгор қилиб, яшаб юрибди. Эпчилгина, тишли-тирноқли эмасми, замонага қараб уям эрини ишга солди—тиш даволайдиган поликлиника очишибди. Бийдай далаю-даштларда бунақа нарса фойда берармikan десам, йўқ, бинойидай дейди. Тез-тез кўнгироқ қилиб туради, ишидан хурсанд, тирикчилик яхши дейди. Ҳатто Сабоҳатним юборинг, бир-икки йил бизга ёрдам бериб юрса, келинлик молҳолини қилиб оласиз дейди. Бе, қиз бола нарсани чўлу биёбонга юбориб бўларканми, дедим.

Дилбархон: Буни, ўртоқжон, бизнесмен эмас, ишбилармон, тадбиркор дейди, тушундингизми?

Мастура: Ҳа, энди, шу-да, барibir эмасми? Мақсад пул топиш-да!

Шавкат: Тўғри, лекин пул топишдайм топиш бор. Мехнат билан топса ҳалоли бўлсин.

Дилбархон: Рост-а, Мастурахон, Гулнорой шунақа ишлар бошлаб юборган бўйса, жўнатинг Сабоҳатни. Ахир борса, ўз холасиникига боради-ку, бегонамас-ку! Сиз ҳам ўзингизни ўтга-чўққа уришдан сал енгиллашармидингиз? Қачонгача иш-иш деб, ўзингизни қийнайверасиз?

Шавкат: Ўйлаб гапирияпсанми? Қиз болага чўлда нима бор?

Мастура: Ҳа-я, нариги кўчага кетиб, бир соат ҳаяллаганига ўзимни кўярга жой тополмай, сизникига хавотир олиб чиқдим-ку, Қашқадарё деган жойларга юборамани қиз нарсани.

Шавкат: Нега ҳаяллайди? Бориб кела қолмадингизми ўша ерга?

Мастура: Аниқ жойини билмайман... Кейин, Ойбек бош ҳаммалари бирга кетгани учун сал хотиржамроқман.

Шавкат (Дилбарга қараб): Нима, Ойбек ҳам кетганими? Қаёққа кетишган ўзи?

Дилбархон: Дискотекага. Нариги мавзеда янги дискотека очишибди. Шунга борамиз девди.

Шавкат: Ўзинг жавоб бердингми?

Дилбархон: Ҳа, бесўроқ кетмайди Унсин деган-ку, ўғлинигиз, нима қилибди? Бир яйраб келсин дедим, ўртоқлари билан...

Шавкат: Ўйлаб гапирияпсанми, хотин?! Ҳеч иккиланмай болангни жанжалхонага юбордингми? Ўқитувчи, тарбиячи бўла туриб, ўзинг тарбиясизликка бошлайсанми?

Дилбархон: Нега унақа дейсиз? Ойбек анча эсини йигиб олган йигит. Оқ-қоранинг фарқига борадиган бўлиб қолган. Ўқишидаи келиб, менга қарашибди, кейин жавоб олиб, ўртоқлари билан дискотекага кетди. Нимаси ёмон бунинг?

Шавкат: Ҳамма бало "нимаси ёмон" деб беларвоник қилишдан бошланади. Кўчада нима кўп — маза-бемаза кўнгилочар бар-клублар, ҳар хил ўйинлар кўп. Булаңнинг жозибаси шундоқ ёмонки, одамни сеҳрлаб қўяди. Ақлини таниб ултurmagan Ойбекка ўхшаш ўспиринлар бунақанги ўйин-кулгуларга тез берилиб кетади. Қарабсанки, уч-тўртта такасалтнгта кўшилиб олиб, енгил-елти ҳаётга ўрганиб қолади. Ҳаётдан мақсади йўқолади. Ичкилик, сигарет, нарирок бориб бошқа ҳар хил банг қилувчи нарсаларга ружъу қиласди. Оқибатда бола-бала эмас, умрингнинг азобига айланади. Ўттиз ёшга бориб-бормай, касалванд, текинхўр, пиёниста, дайди бир маразга айланади.

Мастура: Худо арасасин. Бунақаларнинг кўпини кўриб, эшишиб юрибмиз.

Шавкат: Ҳа, кўриб, эшишиб юрибсиз. Эрта бир кун ўз оиласигизда шундай ахвол рўй берса-чи? Унда нима қиласиз? Унда кеч бўлади. Шунинг учун ҳозир бепарво бўлмаслик керак. Ёмон хулқ-атворнинг бошланиши ана ўшнақа дискотека, бар-клублардан бўлади.

Мастура (ўта хавотирланиб): Вой, ўла-а-й! Бораман деса, индамай хўп деяверганимни қаранг, мен аҳмоқ. Бунақа оқибатлари бўлиши мумкинлигини хаёлимга ҳам келтиримбаман.

Дилбархон: Ҳай, ҳай, ҳай. Жуда оширвормайлар бунчалик, адаси. Сиз айтган гаплар бир вақтлар капитализми ёмонлаш учун тарих дарсларида ўқитилар эди. Ахир замон ўзгарди-ку?! Бунақанги қаравшлар ёлғон ёланлиги маълум бўлди-ку?! Ўша клубу барлар билан тўлиб-тошган хорижнинг олди мамлакатлари тўқлиқдан гуллаб-яшнаб кетаяпти-ку! Дискотекаларда ўстган йигит-қизлар мамлакатининг ривожи учун зўр ишлар қилиб юрган бўлса, не ажаб?! Болаларга ундан ҳам тезроқ ўзгариб, янгиланиб бораётти. Албатта, ҳаммаси ҳам бизларга маъқул эмас. Лекин маъқул эмас деб сунъий тўсиқлар яратиб бўлмайди-ку! Балки тушунмаётган нарсаларимизни номаъқул деб қабул қилолмаётгандирмиз?! Асли барча иллат катта ва кичик авлодларнинг бир-бирини тушунмаётгани ёки тушунишни истамаётгандирлигига.



Ешлар бизни тушунмаса, бу улар учун оламшумул муаммо эмас. Ўз йўллари, ўз ўзанларида кетаверадилар. Аммо биз уларни тушунишга интилласак ва билиб ёндошиш ўрнига ё тусик қўйиб ё куруқ насиҳатбозлил қилсак, мана бу ёмон. Шунинг учун биз дискотекадан эмас, аксинча болаларимизни тушунмай қолиб, йўқотиб қўйишдан кўркишимиз керак.

Шавкат (*овозини сал баландлатиб жаҳл билан*): Ваъзхонликни бас қил! Ҳали уйингга чайқалиб, қийшайиб кириб келса, шунда тушунасан болангни тушунмаслигингни...

Мастура: Худо асрасин-а... Ювиб, тараб, катта қилиб, энди орзу-ҳавасини кўраман деган-да ёмон йўлларга кириб кетса, буям бир бало. Ўзи асрасин... (*каловланиб*) хавотирланиб кетяпман. Мен яхшиси кўчага чиқиб, бир хабар олай... (*чиқиб кетади*)

Дилбархон: Кўркитиб юбордингиз бечорани...

Шавкат: Сенга ўхшаб бепарво ўтиргандан, шунисиям маъкул... Мен ҳам кетдим кўчага, ўзим топиб келмасам, арзандангни, ҳали-вери келмайди, шекилли... (*чиқади*).

3-кўриниш

Мастуранинг квартираси. Магнитафондан баланд овозда ёш эстрада хонандасининг шовқинли қўшиги янграгомоқда. Сабоҳатнинг синглиси **Малоҳат** китобдафтарларини стол устига ёйиб олганича, студа оёқлари-елкаларини мусиқа оҳангига мос ликиллатиб, алланарсаларни ёзиб ўтирибди. Хонага қувалашиб кетмакет Сабоҳат ва Мастура кириб келадилар. Малоҳат магнитафон овозини пастлатади. Сабоҳат Малоҳат ўтирган стул ортига ўтиб, гўё онасидан муҳофазаланади.

Сабоҳат: Жуда қизиқиз-а, ойи. Синфдошларим олдида шарманда қилдингиз. Қўлингиз ҳам омбурга ўхшайди. Чимчилаган жойингизни узиб оламан дейсиз.

Мастура: Бу ҳам кам. Пишириб қўювимиди сенга шунча ўғил болалар билан бошлашиб тансахонаматсанахона юришга??

Сабоҳат: Ахир, ахир ўзингиз рухсат бердингиз-ку! Сўраб кетдим-ку!

Мастура: Сўрасант икки соатга деб сўрадинг. Ўғил болалар билан кийшсанглашиб ресторонма-ресторон караман демадинг.

Малоҳат (*масҳараомуз*): Тўппа-тўғри, ойижон. Ҳамма ишни менга ташлаб, юриби кўчада ўйнаб.

Мастура: Сен жим ўтири, тирмизак. Ҳали сениям аклингни киргизиб қўйман.

Малоҳат: И-и, "прикол"... менда нима айб?!

Сабоҳат: Ойижон, тұхмат қилманг. Ресторон деб ким айтди сизга. Нариги мавзедаги дискотекага борамиз дедимку, ахир. Тўғри, бир оз кеч қолдик. Сал ўйнинг берилиб кетибмиз, кечиринг.

Малоҳат (*қизиқиб*): Қаерда экан у дискотека? Роса кайф қилибсизлар-де, а!

Мастура: Мана, кўрдингми, синглинг ҳам сендан ўрнак оляпти. Қиз бола деган бўй-бости етдими, бўлди, ўйда ўтириши керак, қозон-товоқ, уй юмушларини қилиб. Бу ёғи "дом"чилик — ҳар эшикнинг тешиги бор мўралайдиган. Бўй еттан қизга ҳамма қизиқади. Худа-бехуда кўчага чиқаверсанг, эрта бир кун эшигинга келадиган совчиilar қўни-қўшнидан суршиштируса, ҳа, оёғи олти, боши сайди-байли, кўча хандон қиз деса, нима бўлишини ўйлайсанми?! (*йиги аралаш*) Ўзи шундօғ ҳам оталаринг туфайли исноддан ҳалигача бошимни кўтаролмай юраман. Нима, бира тўла маломатга кўммоқчимисанлар?

(*Икки қиз икки томондан келиб, оналарини қучиб, овутмоқчи бўлишади*)

Сабоҳат: Қўйинг, ойижон, шунга шунчами? Борма десангиз ҳеч қаёққа бормайман. Фақат..., (*Ўйлануб, маънодор оҳанеда*) фақат... дугоналаримдан қолиб кетмай дейман-да.

Малоҳат (*қувлик билан*): Дугоналаримданми ё

Ойбекданми?! Жа-а "шумний" бола Ойбек, қизингиз ўлгудей шайтон-да, ойижон.

Сабоҳат (*қизарib, синглисига ҳезланиб*): Ҳозир кўрасан мендан. Бўлар-бўлмас гаплар килмай, дарсингни тайёрласанг-чи. Сенга ким қўйибди, халитдан бунақ гапларни, э "сопляк".

Мастура (*Сабоҳатга маъноли тикилиб*): Тўхта, тўхта... Ростми шу гап?

Сабоҳат: Ойижон, қўйсантиз-чи... Биласиз-ку, олтига синфдош доим биргамиз. Тўққизинчи синфдан кейин ҳамма ҳар хил коллеж, лицейларга тарқаб кетган бўлса ҳам, бир-биримиздан ажралмаймиз. Болаликдаги дўст-дугоналар барибир энг қадррони бўларкан.

Малоҳат: Ойбек-чи, Ойбек? Уям дугонайизми? Бутун ҳовлидилар билали-ку, юришилани...

Сабоҳат (*енгижеркиб*): Учир овозингни... Ким бирга юрса пештайверар экан-да... Ойбек ўша ўтрокларим қаторида энг якин дўстларимдан. Биз бир-биримизни бошқаларга қараганда кўпроқ тушунамиз. Шунинг учун иккимиз гоҳ алоҳида гаплашиб қоламиз. Нима килибди, бунинг нимаси ёмон?!

Мастура: Ёмон ери йўқ. Лекин бўй етганда қиз билан йигит алоҳида гаплашиб юрса, ким ишонади бунинг факат дўстлигига. Эррак билан аёл ўртасида дўстлик бўлмайди, билиб қўй.

Сабоҳат: Нима бўлади бўлмаса?

Малоҳат: "Прикол!" Вой муғомбира-еїй, нима бўлишини билмасмишлар... (*секингина*) Бола бўлади, бола...

Мастура: Юм, оғзингни, тирмизак. Қани чиқ, бу ердан. Бор, ошхонага чиқиб дарсингни қил!

Малоҳат: Бўлти, чиқаман, лекин билиб қўйинг, Сабоиз лағмонни чўзиб, кулогизга осиб қўйса, мани чақириб юрмант...

Сабоҳат: Чиқ, чиқ, бор ошхонага... (*Малоҳат кетгиси келмай, аста китоб-дафтарини олиб, чиқиб кетади*)

Мастура: Кўряпсанми, сендан нима ўрнак оляпти синглинг...

Сабоҳат: Ойижон, Малоҳатиз ўзи шунақароқ, бирорларнинг гапини эшитишни яхши кўради. Мендан уч ёш кичкина бўлсаем, мен хаёлимга келтирмаган гапларни билади...

Мастура: Синглингни қўй, ўзингдан гапири... Жон қизим... биласан, не азобларда сенларни катта қилдим. Отант бегона хотинга илакишкандан кейин ҳаром бетиниям, ҳаром пулиниям кўрмай дедим. Бўлмаса, ҳали-ҳануз ёрдам бераман дейди. Ўзингниям неча бор ўйлингни пойлаган. Йўқ дедим, мен ёқмас эканман, нега мен туғиб ўтирган болаларим ёқиши қерак унга. Мени сўймаса, болаларимниум сўймасин. Ўлсам ҳам ўзим боқиб катта қиламан дедим. Мана, худога шукр, бирордан кам, бирордан ортиқ, вояга етдинглар. Ўзимни ўйламадим, нима топсан, шу иковингга бўлсин дедим. Менга ҳам оғиз согланлар йўқ эмас эди... Болаларим шумшик бўлиб, бегона отанинг кўзига жовдираб юрмасин дедим...

Сабоҳат: Ойижон, дадам ўша аёл билан бирга ўқиган эканлар-ку! Севишиб юришган экан...

Мастура (*бирдан овозини баландлатиб*): Ким айтди сенга? Ким сенларнинг фикрингни бузяпти? Гапирма у тошбагир ҳақида менга. Бу ўйда унинг номиниям тилга олмаларинг, уқдингми?!

Сабоҳат: Бўлди, бўлди, ойижон.

Мастура: Ким айтди сенга бу гапни? Қаердан эшиздинг?

Сабоҳат: Кичкинагина ҳовлида юзлаб одам турса, гап турдими, ойижон.

Мастура: Биламан ким айтганини. (*иғламсираб*) Уззукун келинidan ҳасрат қилиб, болаларига кун бермайдиган Ҳатиба холадан чиқсан бу гап. Отантнинг опаси қайсиидир уругига қуда бўлган. Ӯшанақа бекорчи фийбатчилардан чиқади бундай гаплар. Кулок солма



уларга сира. Эшигингта совчи келса, йўқ ердаги айбларни топиб, ёмонлаб юборишдан ҳам тоймайди булар.

Сабоҳат: Хафа бўлманг, ойижон. Одамларни биласиз-ку...

Мастура: Ҳа, биламан, шунинг учун хафа бўлманда. Бўлса, кўролмайди, йўқ бўлса, беролмайди. Не машаққатларда эрта-ю кеч меҳнат қилиб, сенларни оёқка турғазганимни гапирмайди, йўқ, уларга фақат фитна-фасод бўлса. Шуларни ўйлаб сенларни номинг ҳам ёмонга чикмасин дейман. Ойбек билан дўстлигингни ҳам эртага ўзининг қаричида ўлчаб, оламга достон қиласидиганлар ўшалар. Уларни кўзидан нарироқ бўлиш керак. Ҳуда-бехуда кўчага чикавермай, ўғил болалар билан керак-нокерак гаплашавермаганинг маъқул, қизим. Сенларнинг баҳтинг, келажагинг мен учун ҳар нарсадан муҳим...

Сабоҳат: Тушундим, ойижон, тушундим.

Мастура: Тушунган бўлсанг, бўпти, билиб ишингни кил.

Сабоҳат (иккиланиб, журуатсизлик билан): Ойижон... Сиз билан яна бир нарса ҳақида гаплашиб олмоқчи эдим... (Телефон тинимсиз жиринглайди)

Малоҳат (шошиб кириб): Ойижон, телефонни олинг, межгород, Қашқадарёдан Гулнор холам, шекили.

Парда

4-кўриниш

Шавкатнинг уйи. Хонага Шавкат ва Ойбек кириб келадилар.

Шавкат: Бир-икки ҳафтада ўқишиларинг тутгайди, коллежни битирасан. Наҳотки тайёрлайдиган дарсинг, қиласидинг юмушинг бўлмаса?! Эртами-индин бўладиган битириш имтиҳонлари арафасида қандай қилиб кўнгилларингта ўйин-кулгу сугади. Жиддийроқ қарасанг бўлмайдими?

Ойбек: Дада, нега ташвиш чекасиз? Дарсларни тайёрлаб бўлганман. Битириш имтиҳонларидан ҳеч хавотирим йўқ. Йил давоми синов рейтингларим нормальний...

Шавкат: Жуда ўзингга ишонаверма, сендақаларнинг кўпини кўриб юрибмиз.

Ойбек: Дада, балки сиз ўқитаётган болалар "дебила"дир. Мен причём?!

Шавкат (жаҳо билан): Гапингни тузат... э валакисаланг. Ким билан гаплашайсан?! (*Шу пайт хонага Дилбархон кириб келади. Шавкатнинг авзойи бузилганини сезиб, ўғлини коййди*)

Дилбархон: Ойбек, даданг гапирганларида эшигинг. Сени ёмон бўлсин демайдилар-ку, ахир.

Ойбек: Ойижон, мен ортиқча ҳеч нарса деяётганим йўқ. Дарсларимни, ишларни қилиб, кейин ўзингиздан сўраб кетувдим-ку!

Дилбархон: Тўгри, дадаси... айтдим-ку сизга.

Шавкат: Айтдинг, айтдинг. Аммо минг сўраб кеттанди ҳам, ҳозир шу кунларда битириув имтиҳонлари топширадиган ўқувчига ўйин-кулгу керакми?

Дилбархон: Ахир, дарсларини тайёрлаб бўлган-да!

Шавкат: Дарсларини тайёрлаб бўлган бўлса, инглиз тилини ўқисин.

Ойбек: Инглиз тили репетиторига борадиган куним эртага.

Дилбархон: Ҳа, ҳафтанинг тоқ кунлари боради репетиторига.

Шавкат: Бўлмаса... бўлмаса жуда билими ошиб кетган экан, ана бадиий китоб ўқисин, кинога ё театрга борсин. Албатта бўш вақтини дискотекада ўтқазиши шартми?

Дилбархон (Ойбекка қарата): Бор, ўғлим, қўлингни чайиб чиқ, овқатланамиз... (*Ойбек чиқади*)

Шавкат: Жуда ўйингизнинг ёнини оласиз-а?! Нега

гапни тўхтатасан! Нима, мен ўз боламга душманманми?! Хўш, ўғлинг шунчалик бекорчи бўлиб қолган экан, китоб ўқисин, бўш вақтини кино, театрда ўтқазсин. Ҳар қалай у ерда маърифати, маънавияти ошади. Биз ҳам хотиржамроқ бўламиз.

Дилбархон: Гапни гап кавлайди-да, қўйинг, дадаси, тинчнига овқатланайлик. (*дастурхон тузашга бошлайди*)

Шавкат: Мени мазах қиляпсанми? Мен тоғдан келсан, сен боғдан келасан. Овқатланайлик эмиш. Вей, боланг эртага бир такасалтанга айланиб, банги безори бўлиб кетса, ўшанда ҳам овқатни ўйлаб ўтирасанми?! Ҳудо кўрсатмасину, шундай ҳол юз берса, ичганинг кўз ёш, еганинг заҳар бўлмайдими?!... Галирсам, гапни бурасан... ёмон бўлсин дейманми?! Үн беш йилдан бери репетиторлик қиласан. Докторлик ишимниям йиғишириб қўйдим. Нега? Шу болалар бир нарсага зориқмасин, ўқисимасин деб. Кечалари билан кўр бўлиб ҳар хил олди-қочди китобларни таҳрирлаб, таржима қилиб чиқаман. Пули, амали бор пайтда "қора кун" учун илмий даражали бўлиб қолай деб юрган, худо билсин эрта бир кун ўзимга хўжайнинлик қилиши мумкин бўлган чала мулла олифталарнинг диссертацияларини ёзib бераман, оиласам, болаларимни ризқи бутун бўлсин учун. Охир-оқибат барчаси зое кетса, буғдоқ экиб, арпа ўрсам, алам қўлмайдими?!

Дилбархон (дастурхон тузашда давом этиб): Ношукур бўлаверманг! Вақтида дарсини, ишини қиласа, вақтида ўйин-кулгусини... нимаси ёмон? Бола боладай яшасин-да!

Шавкат: Нима, мен ўйнаб кулмасин деяпманми? Китоб ўқисин, бўш вақтини театр, кинода ўтқазсин, деса ношукурчилик бўладими?

Дилбархон: Шавкат ака, нуқул кино, театр дейсиз, ўзингиз мени ясантириб, олдингизга солиб, яқин ўртада бирор кино ё театрга олиб бордингизми?

Шавкат: Нега яна гапни бурасан?

Дилбархон: Йўқ, жавоб беринг, қачон мени кино ё театрга олиб бордингиз охирги йилларда?

Шавкат (қўлини силкиб): Дурустроқ бирор асар бўлмаса, нимасига борасан!

Дилбархон: Ҳа-а, яшсанг! Дурустроқ спектакл йўқ деб ўзингиз театрга бормайсиз-у, нега ўғлингизга беҳуда вақт ўтказишини ражо кўрасиз? Болалар дискотекага чопаётган бўлса, бу бутунги кунни ҳис қўлмаётган сизу менинг айбим. Сиз Йўлчивойларга маҳлиё бўлиб, ўн беш йил ичида дераза ортида нималар юз бераётганини тушунолмай қолдингиз. Ҳеч бўлмаса саксон ёшли отантизчалик ҳам бўлломаяпиз...

Шавкат: Нима?

(Ойбек киради)

Ойбек: Бугун овқатланамизми ё йўқми?

Дилбархон: Ҳа, ҳа ҳозир. Ўтириналар... Қази қайнаган шўрвада бир ҳўл норин қориб берайди... (*чиқади*).

Шавкат: Ув, бойвачча!

Ойбек: Нима дейсиз, дада?

Шавкат: Қазининг шўрвасини ичib, яна дискотекага чопасизми?

Ойбек: ...

Шавкат: Гапир, нега индамайсан? Ахир ғирт бекорчисан-ку! Дарсингни тайёрлаб бўлгансан, қиласидиган бошқа юмуш йўқ, тўғрими?

Ойбек: Дада, мен ҳеч нарса деяётганим йўқку!

Шавкат: Ҳа, бирон нарса айттолмайсан ҳам. Агар вақтинг мазмунли ўтганида, гапирадиган гапинг, таассуротларинг кўп бўларди.

Ойбек: Таассуротларим оз эмас. Сиз дискотека бу шунчаки бемаъни сакраш деб ўйлайсиз. Балки сизларни ёшлигиларда шундай бўлгандир. Лекин ҳозир ундан эмас. Дада, агар дискотека фақат ҳориб-чарчагунча маъносиз сакрайвериш бўлса, ўттиз-қирқ йилдан бери бу соҳа ривожланиб кетмас эди.

Шавкат: Соҳа? Ҳали сен бу от ўйинларни касб деб ҳисоблайсанми?!

Ойбек: Албатта. Касб бўлганда ҳам энг туркираётган жуда зўр бизнес...

Шавкат: Сакрайвериб миянг сўйилиб кетибди.

Ойбек: Йўқ, дада. Айтсан ишонмайсиз. Дискотека очган ишбилармонар иномарка машиналар миниб, дангиллаган участкалар куришибди.

Шавкат: Бўлса бордир. Сенлардака тентакларни топиб олиб, бор пулини шилиб, иморат қураётгандирда.

Ойбек: Нимаси ёмон бунинг?! Бозор иқтисоди шуда! Фойда кўриш мумкин бўлса, нега фойдаланмаслик керак?

Шавкат: Фойда кўраман деб, ҳар қандай беманилик, бузукликни касб қилиб олса бўлаверар экан-да сенингча?

Ойбек: Йўқ, дада, бузукликни ёйишга ҳеч ким йўл қўймайди. Тўғри, маъно-мазмуни йўқ, шунчаки кўнгилхушиклар ҳам кўп. Лекин бу нарса узоққа боролмайди. Ҳамма касбда ҳам узоқни кўзлаб иш тутмаса, банкрот бўлиш аниқ.

Шавкат: Яхши гап... Фақат касбдагина эмас. Ҳар бир ақли-ҳушини таниган одам эртасини ўйлаб яшаши керак. Бунинг учун аниқ мақсад, ғоя керак. Сенинг ёшингдагиларнинг зўрояси бўлиши учун яхши ибрат керак. Чунки инсон ўспирип палласида жуда ишонувчан бўлади. Уни турли томонга оғидириб олиш мумкин. Мана шу пайтада йўл-йўриқ кўрсатмаса, ўз кетидан эргаштирадиган идеаллар бўлмаса, нотўғри кўчаларга бурилиб кетишинглар аниқ. Шунақа бўлди ҳам. Мисол қилириб узоққа бориши шарт эмас. Сенинг ёшингдаги қанча болалар ақидапарастларни таъсирига тушиб қолди. Уларга ваҳҳобийлар идеал топиб берди. Оқибат нима — сароб, фожиа, қанча умр, оиласлар барбод бўлди. Маънисиз ўйин, дискотекаларининг охири ҳам яхшилик билан тутамайди. Одамда интиладиган маёқ, ўрнак оладиган идеал бўлиши керак. Бунинг учун китоб ўқиши керак. Инсонга оқ-корани танитадаган нарса — китоб. Ирода, матонатга ўргатадиган, улуғ ишларга бошлайдиган адабий қаҳрамонлар акс этган асарларни ўқиши керак. Мана (жавонлардаги китобларни кўрсатиб) ҳаммаёқ китоб. Нима, мен буни фақат ўзим учун сақлаб ўтирибманми?! Бўш вақтинг бор экан, нега шуларни ўқимайсан? "Ажойиб кишилар ҳаёти" ҳақидаги китобларни биз кечалари билан ухламай ўқиб чиқар экид...

Ойбек: Ўқиганман буларнинг кўпини...

Шавкат: Хўш, нима, ибрат бўладигани йўқми? Дискотека булардан кўра қизиқроқ эканми? Наҳотки ўз қаҳрамонингни топмаган бўлсанг?!

Ойбек: Топдим, дада... Нега бунчалик Ойбекни яхши кўрасиз деб, ўша ёзувчининг китобларини ўқидим.

Шавкат: Хўш, ёқдими?

Ойбек: Ёқди, зўр ёзувчи экан Ойбек, жуда қизиқиб ўқидим. Айниқса "Кутлуг қон" романи ёқди.

Шавкат (шодланиб): Ия, ия... қизиқ-ку. Демак, демак танлаган қаҳрамонинг Йўлчи экан-да.

Ойбек: Йўқ, Йўлчиз вообще ёқмади. Кетмон кўтаришдан бошқа нарсани билмайдиган, ландовур, ҳасадгўй бир дерзила униз...

Шавкат: Ўчир овозингни...

Ойбек: Ўзингиз сўрадингиз-ку, ахир...

Шавкат: Тушунмаган нарсангни гапирма! Романини ўқибсан-у, уқмабсан.

Ойбек: Уқдим, дада. Баъзи жойларини ҳатто иккича қайтадан ўқидим.

Шавкат (таажжуб билан): Хўши, унда қаҳрамонинг ким. У ерда Йўлчидан ўқтамроқ бошқа ижобий образ йўқ-ку!

Ойбек: Бор! Мирзакаримбой... зўр чол экан.

Шавкат: Нима, ўйин қиляпсанми?

Ойбек: Йўқ, дада, чиндан ҳам Мирзакаримбой ўрнак олса бўладиган ҳақиқий қаҳрамон!

Шавкат: Ё тавба!...

Ойбек: Нега ҳайрон бўласиз? Китоблардан ҳадеб ижобий, салбий образлар қидиртиравериб, тўғриси, ўқитувчимиз ҳаммамизни адабиёт дарсидан беҳдириб юборган. Ҳатто тест саволларимизда палон асарда нечта салбий ва нечта ижобий қаҳрамон борлигининг аниқ сонини кўрсатинг деб ёзишади. Шунақа қилиб китоб ўқиб бўладими?! Мана ўша ижобий деганингиз Йўлчи — бирорвларнинг кўлида роса ишлайди, ишлайди-да, кейин нуқул ўзига ўшаганларнинг орасига кириб, бойларни ёмонлаб ўтиради. Шунинг учун мардикорлигича ўтиб кетади... Мирзакаримбой эса, маҳалла баққолининг ўғли Карим читтакдан тадбиркорлиги, ақдлилиги, узоқни кўра биладиганлиги учун кимсан Мирзакаримбояга айланади.

Шавкат: Нега энди? Даствлаб соддагина Йўлчи асар охириларида қаҳрамон бўлиб, ҳалқни зулмга қарши курашга бошлаб, мардларча жонини қурбон қилади-ку!..

Ойбек: Хўп, бундан кимга фойда эди. Пушка, митиқлари бор армияга қарши ўқлов, кетмон кўтариб чиқкан ўша ҳалқами?! Ахир уларнинг ҳаммасини Йўлчи ўлимга бошлаб боради-ку! Шунинг учун ҳам Ойбек асар охирида Йўлчининг ўзини ҳам ўлдиради. Катта бир ҳалқни Йўлчига ўшаган илмсиз қарол, мардикорлар озодликка олиб чиқолмас эди. Буни китобда зиёли Абдишукур ҳам айтади...

Шавкат: Сан иқтисодчи бўляпман деб ҳар нарсадан фойда қидираверма. Йўлчи "халқ учун, юрт учун, жамики аламзадалар, аламдийдалар учун қон тўқади. Бу қон энг қутлуг ... қон" эди.

Ойбек: Тўғри, маҳсилдўз чол Шокир ота охирида Йўлчининг синглиси Унсинни шунақа деб юпатади. Лекин нега булар ўзини аламзадалар дейишади. Карим читтак уздабуронлиги учун Мирзакаримбояга айтланиб, Йўлчилар ношудилги, жоҳиллиги учун қароллигича қолиб кетган бўлса, алам қилиб қўзғолон кўтариши керакми?! Шуми аламзадалиги?! Бу, тўғриси, ҳасадгўйлик эмасми?

Дилбархон (патнис кўтариб киради): Овқат тайёр, қани ҳамма дастурхонга.

Шавкат: Ойбек, сен ноҳақсан. Асарни (дастурхонга яқинлашиб) тушунмабсан.

Ойбек: Мен адашимни — ёзувчи (у ҳам дастурхон атрофига ўтириб). Ойбекни тушуняпман, дада.

Дилбархон: Бўлди қилинглар! Овқат совийди. (Барчалари овқатланишига ўтирганларида эшик кўнгироғи жиринглайди. Ойбек бориб эшикни очади ва қувонч билан "Буважон" деба қичқиради. Ҳонага Шавкатнинг отаси Зоир ота қўлида папка ва елим ҳалта сеткаси билан кириб келади. Шавкат ва Дилбархон ўринларидан туриб, салом бераби, оталарини кутиб оладилар)

Зоир ота: Ваалайкум ассалом! Бормисизлар, яхши ўтирибсизларми? Чол-кампирни эсдан ҳам чиқариб юбординглар, шекилли. Бормайсизлар ҳам... (ҳаммалари қўй очиб, қария дую қилади).

Шавкат: Тинчмисизлар, дада? Ойим яхшимилар? Ҳар куни ойим билан телефонлашиб турибмиз-ку...

Зоир ота: Ҳа, онанг ҳар куни ҳаммантга бир-бир телефон қилиб, ҳол-аҳволларингни билмаса, хотиржам ўтира олмайди.

Дилбархон (Ойбек билан дастурхонни қайта тузата туриб): Соғлигиниз яхшими, дада. Ойимлар, Нусратжонлар ўй-ичи билан соғ-саломатми?

Зоир ота: Соғлиқ бир нави. Юрибмиз тупроқдан ташқари... Соғлиқни ўйлайверса, одам уйда ўтириб қолар экан. Бирор юмуш билан чалгимасанг, ҳали у еринг, ҳали бу еринг оғриётгандек туюлаверади...

Шавкат: Ҳа, энди ёшингиз саксонга борди. Халиям юмуш қилиб юрсангиз уят бўлар. Маҳалла-кўй нима дейди...

Дилбархон (чой узатиб): Олинг, дастурхонга қаранг. Норин қилган эдик. Шўрвалаб чиқайми?

Зоир ота: Йўқ, йўқ, раҳмат! Биласиз-ку олтидан

кейин овқат смайман. Бизнинг кечки норма бир пиёла қатиқ. Уйга бориб, ётишдан аввал озроқ қатиқ ичаману, эрталаб яна отдең бўлиб тураверамиз. Йигирма йилдан бери шу одат. Худога шукр, қон босим ҳам жойида, юрак ҳам соатдай ишлаб турибди...

Дилбархон: Ҳа, сизни билган танишибилишларимиз ҳавасланиб юришади. Саксонга бордилар десак, сира ишонишмайди.

Ойбек: Бувамларни ўзлариям ёшлар, қилаётган ишлариям ёшларнидек... "Ништак" ишлар қилиб ташлабсиз-ку маҳаллада, бува!

Зоир ота: Ҳа, тойчок. Сен ҳам эшийтдингми?

Дилбархон: Ойимлар телефонда айтувдилар. Жуда катта ишлар бошлаб юборибисиз...

Шавкат: Тинчликми, дада. Яна нима бошладингиз?

Зоир ота: Э, қаригандা биз ҳам қуолмадик.. Биласан, 5-6 йилдан бери ҳеч кимни тинчтимай, маҳаллага янги гузар курдик. Ҳайҳотдай бинода биргина маҳалла идорасию, беш-үнта нафақаҳур бекорчилар чойхўрлик қилиб ўтирадиган чойхонадан бўлак нарса йўқ. Раисга икки-уч айтдим: Ҳой, бу бинодан яхшилаб фойдалансанг-чи. Тўрт-беш минг аҳоли яшайдиган маҳаллада тайинли новвойхона, дўкон йўқ. Яна маҳалла йўлнинг устида бўлса... Раиснинг парвойи палак. Кундуз ўзининг хизматига бориб келгач, кечқурун бирпас маҳалланинг у-би ишини қилган бўлади, вақти-фурсати йўқ. Кел, ўзим шу ишлар бир уннай дедим. Қараб турсам, маҳаллада ўн-ўн беш Ойбек қатори ўспирин болалар ҳам бекор қолиб, чойхўрларнинг қаторига қўшиляпти. Секин-секин карта-қимор деган нарсалар оралаб қолди. Шу болаларният ишга солай, савоб бўлади дедим. Нусратда машина бор, яна битта машина нимага керак дедиму, шартта ўзим миниб юрган "Жигули"ни сотдим. Гузарнинг орқа томонидаги учта-тўртта хонани мослаб жиҳозлаб, новвойхона, сартарошхона, дўкон, аптека қилдим. Йўл усти эмасми, ижарага олишни ҳоҳлаган талабгорлар ҳам дарров топила қолди. Маҳалла болаларини ишлатиш, шогирд қилиш шарти билан ҳалиги жойларни ишга тушириб юбордик. Фойдасидан менга ҳам бўлади, маҳаллага ҳам. Ҳозирча ишлар ёмон эмас. Гузарнинг ён томонида учта-тўрт сотихча сайхон ер бор. Шу жойдан ҳам яхшигина фойдаланса бўлади. Укангнинг қурилиш идораси ҳам ўтириб қолган. Тириклигининг тайини йўқроқ. Биласан, машина устачилигига унча-мунча қўли келади. Ўша сайхон ерга машина тузатадиган устахоналар курсак. Уканг бош бўлади, ҳам маҳаллани яна беш-ўн боласи ишлик бўлиб қолади. Шунга ёзув-чизувни биласан, ўша ерни хатхужжатини қилишга ёрдам берасанми деб келиб эдим.

Ойбек: Вой, буважон-эй. Зўрсиз-ку! Мана замонавий (бувасини орқасидан қучиб олиб) Мирзакаримбой, дада.

Шавкат: Тек ўтири, ҳовлиқаверма! Дада, зарурми шу сизга, қариган чоғингизда... оғримаган бошингизга ташвиш орттириб?

Дилбархон: Вой, нима деганингиз бу? Дадам укангизни, жиянларингизни ўйлайтилар. Яна қанча маҳалла болалари ишлик бўлиб қоялапти... Яхши-ку бу!

Шавкат: Вей, ўйлайсанларми сенлар?! Маҳалла-кўй, қариндош-уруг айтмайдими, иккита ўли бор одам қаригандаги идорама-идора сарсон, дўкон очиб, автосервис қуриб, кўчадан бери келмай юрсалар...

Зоир ота: Ҳа, нима қилибди?! Кўролмайдиган бекорчилар гапираверади-да. Агар ўшаларнинг гапи билан ўтираверсам, ҳалигача соғ-омон юрмасдим.

Шавкат: Дада, ҳар ишнинг вақти-соати бор. Ёшингизга ярашмайди бу ишлар. Ёшлар қиласидан ишларга уннаб, бирор кор-ҳол юз бермасин дейман. Фарзандларни роҳатини кўриб, дуогўй бўлиб ўтирадиган пайтинглар ҳозир сизларни...

Зоир ота: Умрингдан бир кун қолса ҳам дарахт эк, деган машойихлар. Ўзинг роҳатини кўрмасанг, болачақанг кўради-ку! Ҳар замонанинг ўзига қараб иш тутиш

керак. Буни тушунмаган одам ношуд одам. Нуқул ҳасрат, шикоят қилиб, замона ундоқ бўлиб кетди, одамлар бундоқ деб вайсашибдан нарига ўтмайди.

Шавкат: Шунчалик замонавий экансиз, нега энди ёшлигингизда давлат ишида ишлаб, ойликни кутиб, эрта кетиб, кеч келиб юардингиз. Номингиз магазинчи эди. Уч-тўртга нон дўкони мудири эдингиз. Қўша-қўша иморатлар солиб, янги-янги машиналар миннадингиз. Ҳатто қўрқиб, дўконингиздан битта нон ҳам кўтариб келмасдингиз. Маҳаллага яқин келиб, атрофдаги дўконлардан нон сотиб олиб, уйга кирадингиз. Нега ўшанда шу тадбиркорлигингиз кўринмаган эди?

Зоир ота: Ўв, бола, айтяпман-ку сенга, замонага қараб иш қилиш керак деб. У вақтларда тузукроқ бир нарса ортираман десант ўғирлик қилишинг, бироннинг ҳаққига хиёнат қилишинг керак бўларди. Чунки ҳамма нарса давлатники эди. Давлат берса ейсан, бермаса ўзасан эди. Ҳозир ҳаммаси хусусий мулк. Бойийман десант ҳаракат килиб, йўл-йўригини топ, миянгни ишлат. Ана Президентимиз телевизорда ҳар сафар мавриди келгандан айтадилар-ку, бекор ётган корхонани текин бўлсаям уқувли тадбиркорнинг қўлига бериш керак деб. Ҳамма гап интилишда, гайратда.

Ойбек: Прикол... яшант бува! Мен дадамларга Мирзакаримбой зўр чол экан, ишбилармонлиги туфайли оддий баққолдан заводчи бойга айланган экан, десам жаҳлари чиқяпти. Нуқул Йўлчини пример қиласидилар манга.

Дилбархон (коса-товоқларни ийғиштира туриб): Сизлар гаплашиб ўтира туринглар... (чиқади)

Шавкат: Мана кўрдингизми, дада, ҳозирги замонавий қарашларни. Диёнатли меҳнаткаш Йўлчи ландавур, ичи қора экан-да, "илоннинг ёғини ялаган" Мирзакаримбой яхши эмиш. Мана бу ватакисалангларга ибрат, идеал эмиш.

Ойбек: Ибратлиги рост, лекин жуда идеал деганим йўқ-ку! Ахир ер сотма деса, "сандиқда чириб ётган молдан ердаги ахлат аъло" деб, капитал доим движенияда бўлиши керак деса, шу ибратмасми?! Ҳа, энди чол Гулнор-Пулнор деб Йўлчини чувихасига осилиб, сал ошириб юборади-да. Бир ёғи уни ҳам тушунса бўлади, одам-да бариб, яна пули ҳам бор...

Шавкат: Ана сизга замонавий ёндашув...

Зоир ота: Жуда ваҳималанаверма, Шавкат! Нима, ўғлинг ўзининг фикрига эга бўлса ёмонми? Мирзакаримбойларни жуда фаришта деяётгани йўқ-ку! Ишбилармонлигидан ибрат олса бўлади деяпти. Нафсилашибирини айтганда, ўғлинг ҳақ. Шўро замонида бойларни ёмонлаивериб, уларни олабўжи кўрсатиб қўйган. Аслида ўша бойлар бўлмаса, ўтмишдан нима мерос қоларди ҳозир. Мақбаюро мадрасаларни ким курган, ким сув олиб келиб, боеяратиб, кўпприк солган. Ҳеч нарсаси йўқ, мардикор, қаролларми ё сармоялик бойларми? Буни тушуниш учун жуда ақлли бўлиш шарт эмас.

Шавкат: Тўгри, дада, бойларнинг ҳам маърифатлиси бўлган, жоҳиллари бўлган. Ҳўжа Ахори Валий, Алишер Навоийга ўхшаган зиёли зотлар каттакатта мол-мулкларини хайрли ишларга, бунёдкорликка сарфлашган. Лекин Мирзакаримбойларни булар билан бир қаторга кўйиш керакмас-да.

Зоир ота: Э, ўғлим! Ҳеч ким буларни бир деяётгани йўқ. Фақат бойлар ёмон, камбағаллар яхши деган беъмани замонлар ўтиб кетди. Энди ақл-тафаккур замони. Ёмондан ҳам, яхшидан ҳам бир сабоқ чиқарса бўлади. Ўғлингнинг шунга ақли етган экан, суюнмайсанми бунга. Қўй ўз ҳолига уни, замонасига қараб яшасин! Аммо вақти-вақти билан назоратингни бўшаштирма. Нима бўлгандаям ёш, ҳаётнинг баланд-пастини кўрмаган...

Шавкат: Ҳа, яшант! Мен ҳам шунинг учун Ойбекни бехуда вақт ўтказмасин деяпман. Бу бўлса бемаъни оёқ ўйинлардан бўшамайди.



Зоир ота (неварасига кўз қисиб): Тойчоқ бўлгандан кейин сакрайди-да. Нима ўйин экан у ўзи, Ойбек?

Ойбек: Дискотека, бува, дискотека. Классний техника, света музикалар билан жихозланган ёшлар йигиладиган жой. Энг охирги модадаги "шик" музика-ашулаларнинг записслирни кўйиб беради. Гоҳи ўзимизни популярний эстрадник болалар келиб, янги кўшиклиарни айтади. Ким рақсга тушади, ким бир четта ўтиб напиткалар ичиб, мороженоелар еб, музика, кўшиқ эшпитади. Албатта ким нимани хоҳласа шунаقا бўлавермайди. Дискотекани дискжокей-ўртакаш олиб боради. Дискжокей классний бўлса, янги хитлар ҳақида, ҳозирги чиқаётган модадаги группалар, уларни дунёдаги рейтингги, умуман замонавий музика турлари, йўналишлари тўғрисида олдин гапириб беради. Болаларга шуларни гапириб бериб, керак бўлса, янгича ўйинлар, ҳаракатларниң кўрсатиб беради. Кейин жуда каттиқ тартиб сақлади. Битта-яримтаси яширинча исча, бирорларга халақит бериб, тўполон қиласидиган бўлса, дискотеканинг икки-учта штатний дерзилалари тинчтиб ташлади. Так что, дискотека дегани жуда культурний, ёшлар йигиладиган, дам оладиган жой.

Шавкат: Ҳа, аравани қуруқ, олиб қочишга жуда устасандар...

Ойбек: Дада, балки жуда шумний, жанжал бўладиган дискотекалар ҳам бордир. Аммо биз борадиганимиз жуда тартибли, яхши жой. Хоҳласангиз ўзингиз бориб кўришингиз мумкин...

Шавкат (жада билан): Бекорчи вақтим йўқ менинг!..

Зоир ота: Қани, тойчоқ, дискотеканг яхши ўйинларни ўргатаётган бўлса, биттасини кўрсатиб берчи. Магнитафонинг борми? (Ойбек шартта ўрнидан туриб, магнитафонни қўяди ва замонавий кўшиқ оҳангига мос ёқими ҳаракатлар қиласи.) Үйнаб туриб, бувасини ҳам тортади ва улар завқ билан ҳар бири ўз билганича рақсга тушадилар. Зоир ота ўзбекча қиликлар қилиб, неварасини янада завқлантиради. Шавкат ўйин охирлағандо шартта бориб магнитафонни ўчиради. Шу ҳолат устига **Дилбархон** кириб келади)

Дилбархон (хайратланиб): Тингчиликми?...

Шавкат: Бўлди, бас! Дада, ярашадиган иш қилсангиз-чи!

Зоир ота (кула-кула): Нима, ярашмаяптими? Ўзингизнинг ёшлигингиз эсингиздан чиқдими? А? Почеки катта клёш шимларни кийиб, вечерма-вечер югирадингиз-ку, ярим кечагача сангиб...

Шавкат: Ҳа... энди... У пайтларда анча маънилироқ бўларди. "Битлз", "Абба", "БониМ" деган яхши ансамблар бўларди. Ёқимли қўшиклиар айтарди. Ҳозир нуқул шовқин... Аслида биздаям аҳмоқликлар бўлган. Кейин билдиқ, вақтни анча фойдалариқ ўтказиш мумкин экан... китоб ўқиб, ўз устимизда ишлаб...

Зоир ота: Йўқ, ундей эмас. Ҳар даврнинг ўз завқи, таровати бўллади. Баҳор айни қыйғоч гуллаган вақтида қорсовуқ бўлиб, қанчалик ноҳушлик келтирса, инсон умрининг ҳам баҳори кексалик юмушлари ё фақат ташвиш билан ўтиши керак эмас. "Дискотека" дегани ёшларнинг йигилиб, кўнгилхушлик қиласидиган жойи экан-да... Шунга шунча ваҳимами? Бунга ортиқча аҳамият қилмаган маъкул. Одам тафтини одам кўтаради, дейишади-ку! Инсон табиатан мулоқотга интилади. Рўзгор, уй, бола-чақа ташвиши ёки куни узоқ ишхонада тер тўқандан кейин бирон жойда ҳордигини ёзиб, ўзига тенгқурлар билан гурунглашишга мойил бўлади. Ўзбекнинг чойхонаси, оврупаликларнинг бар кафелари, ўриснинг пивохоналари—барчасининг моҳияти шу: дилтортар сухбат, вақтни хушхол ўтказиш, кўнгил чигилини ёзиш учун восита. Чойхоналаримизда кўрасан-ку қари-қартант гурос-гурос йигилиб, оғиз ҳўлларга битта чойнак, битта пиёлани қўйиб олиб, кун бўйи дунёнинг у бошидан кириб, бу бошидан чиқади. Қизик одамлар бор-эй. Уйига фақат кечаси ётоқхонага киргандек думалагани кириб чиқадио, қолган вақтини

тамом чойхонага бағишлади. Иложи бўлса уйидаги насиба-таомини ҳам чойхонага олиб чиқиб, кўпчилик билан баҳам кўради. Ўрта ёшдаги одамлар аксар ошхўрлик, пивохўрлик шаклидаги улфатчиликка танда қўяди. Гап-гаштак қиласи. Уларни хумори ё қозонни "жазбиз" ё ёки пивабоп газакларни териб қўйиб, боксчининг кўлқопидек кружжалардан сариқ суюқликни хўплаб ўтириш билан ёзилади.

Ёш ялангнинг бўлса завқи-шавки баланд бўлади. Улар қўним билан ўтириб олиб, бамайлихотир сухбат қилолмайди. Юраги тошиб туради. Сабри чидамайди. Тизгинлаб бўлмайдиган завқи-шавкини гоҳо қора терга ботгунча сакраб, ўйноқлаб босади. Оёқ ўйинларининг бор мазмуни шунда. Бўлмаса ҳар жойини ҳаракатга солиб, қилпилайверишдан нима маъно топасан. Мана шуларнинг барчаси инсон феълидаги жамоага, ёш-ахволига муносиб гурунг-воситага мойилликдан. Буларнинг бари навбати билан келаверади. Бугун дискотека, эрта ошхўрлик, улфатчилик, хўв нарироқ бориб эзма чойхўрлигу шакаргуфткорликлар. Муҳими инсон ўз-ўзига нега бу дунёга келдиму нега кетаман, бу осмону замин орасида нима қилиб юрибман, деган саволларни бера олишида. Ўзидан из қолдира билишида. Майли у из оламшумул ишларда бўлмасин, балки маҳалла-кўй, балки қариндош-уруглари, балки ўғил-қиз-оила авзолари қалбida мухрлансин. Шунда ҳаёт мазмунли ўтади, худо берган умрдан наф бўлади. Гоҳо айрим давра-тадбирларда узоқ умр тилаб, юзга киринг, юз эликка киринг деб хушомад қилиб қолинса, энсам қотади. Эй, бемаъни, бекор ўтган узоқ умрнинг кимга кераги бор. Ҳаётинг шундай мазмунли ўтсинки, ҳар бир кунинг ойларга-йилларга татисин. Шунда умрингни кун санаб, кўринганга ўзинг амал қилмаган хислатлардан насиҳат сўқиб ўтирамайсан.

Ҳали менин айтди дерсан. Балки ўша ўйинхона-дискотекаларда болангнинг, унинг тентқурларининг кўнглига катта орзулар тушаётгандир. Ўша ердаги гурунг-мулоқотларида нималаргадир ҳавасланиб, нималарнидир инкор этиб ўз келажакларининг суратини чизаётгандирлар. Ажабаски, бутун сену биз назар-писанд қилмаётган ё келгусидан хавотирга тушаётган шу енгилтак, ўйнқароқлар эрта бир кун олами яшнатувчилар бўлса. Илоҳо, шундай бўлсин! Омин, Аллоҳу акбар!

Дилбархон (чойнакни ола туриб): Ойбек, бувантлар ҳам жуда романтиклар-а... Чойни янгилаш келай... (чиқади)

Ойбек: Рост, бува. сиз романтиксиз. Доим ёш бўлганга ўҳшайсиз.

Зоир ота: Э, тойчоқ, ўзимизни шунаقا тутиб, овутиб ўрганмиз. Бўлмаса, биз кўрган азобу қийинчиликларга темир ҳам дош беролмасди. Илоё, сизлар кўрмандлар у азобларни.

Шавкат: Қийинчилик дейсиз, булар қийинчилик нималигини тасавурига ҳам келтиrolмайди. Жўмракни бураса иссиқ сув, совуқ сув, ош-овқати тайёр, қийим-кечак бисёр, нима ғами бор. Эрта-индин коллежни битиради. Кейин олий мактаб. Ҳаммаси рисоладагидек...

Ойбек: Дада, очиғи, мен бу йил институтга ҳужжат топширмайман.

Шавкат: Мана, навбатдаги эркалик. Албатта, сиз топширмайсиз. Сиз учун мана биз топширамиз, биз... Шунга ҳам жонингизни койитасизми?

Ойбек: Дада, мен чиндан айтяпман. Бир-икки йил ишламоқчиман.

Шавкат: Э-э, йифиштир олифтагарчиликни! Ким сени ишга оламан деб ўлиб туриби.

Зоир ота: Шавкат!.. Ўғлингни эшитсанг-чи. Унинг ҳам бир ўлагани бордир. Ойбек енгилтак бола эмас, худога шукур.

Шавкат: Дада, мана-ман деган хорижни катта университетларини, ўзимизнинг энг зўр дорилфуннларни битириб, тайинлик иш тополмаётгандар қанча-ку, коллежни битирган иқтисодчига жой қайда?!

Зоир ота: Ҳа, нега унда институтта кириши керак Ойбек?

Шавкат: Олий маълумот олса, ҳар қалай касби тайин, ишга жойлашиш имконияти нисбатан кўпроқ. Яна орқадан бир турткى бўлса, у ёғи ўзига боғлиқ.

Ойбек: Дада, мен умуман икки-уч йил бу ердан четроқда ишламоқчиман. (*Дилбархон чой кўтариб киради*)

Шавкат: Хориждами?

Ойбек: Йўғ-эй... вилоятда, масалан Қашқадарёда...

Дилбархон: Ўйлаб гапиряпсанми, ўғлим?

Ойбек: Ҳа, ойи. Жуда пухта ўйладим.

Зоир ота: Ҳўш-хўш... гапир-чи, ўғлим. Нима режалар тушиб ўтирибсан?

Ойбек: Бува, ҳозир нима кўп — банк кўп, ширкат хўжаликлари, фермер хўжаликлари кўп. Вилоятлардан келган кўп болалар ўқишларини битириб, Тошкентда қолишга ҳаракат қилишади. Балки шунинг учун ҳам иш топиш қийинидир. Тошкент катта шаҳар. Тириқчиликни бир амаллаб ўтқазса бўлади. Лекин қишлоқларда ҳаёт ўзармаса, жонланиш бўлмаса, тўла ривожланиш ҳам бўлмайди.

Дилбархон: Қишлоқларда ўзгариш йўқ деб ким айтди сенга? Ўзингча тахмин қиласерма! Ўйлаб, ўлчаб гапиргин.

Ойбек: Майли, ойи... Балки ўзгариш бордир, лекин бир нарса аниқки, қишлоқларга биз керакмиз, жуда керакмиз. Ҳеч бўлмаса, ўзимизни ҳам бир синовдан ўтқазиб олармиз. Одам мустақил бўлиши керак-ку, ахир!

Шавкат: Мана сизга романтика! Мустақил бўлармишлар. (*истехзо билан*) Қани, қани, эшитайликчи... қишлоққа бориб олиб нима каромат кўрсатмоқилар?

Ойбек (баланд, ўқтам оҳанга): Дискотека очаман!

Шавкат (хезланаб, Дилбархон ўйлини тўсади): Ҳозир шу болани бир нарса қилиб қўяман. Нуқул ўйин қиласи, мазахлайди одамни...

Ойбек: Дада, ўйин қилаётганим йўқ. Жиддий айтаяпман. Бир ойча аввал коллежимизда Сангин ака деган қашқадарёлик бир фермер билан учрашув бўлди. Хўжалиги зўр, йилдан-йилга кенгайиб, даромади анчамунча бўлиб қолибди. Қишлоқдаги эллик-олтмишта одамни иш билан таъминлабди. Ишларини яна кенгайтироқчи. Ўша атрофда банкрот бўлган консерва заводини ҳам сотиб олаётган экан. Менга файратли, ёш мутахассислар керак дейди. Йўқисодчига ҳам иш бор экан. Ўзимидаги ёшлар енгиги пул топаман деб шаҳарга кетиб қолган деди. Аслида ёшларни қишлоқда ушлаб турдиган бирор кўнгилтортар жой ҳам йўқ экан. Клуб-маданият ўйи бор экан-ку, аммо жуда ташландик ҳолда экан. Учрашувда унга қандай маблағларни жалб қилиб, ўша клубни ишга тушириш мумкинлиги ҳақида ўзимча таклифларимни айтган эдим, қизиқиб қолди. Ўзинг келиб бирор йил ишлаб берсанг-чи, таклифларингни бирга амалга оширамиз деди. Мен иккilanган эким, ҳамманинг олдидা прикол қилди. Сенлар фақат гап биласанлар, оғизда ботирсизлар деди. Тўгриси чидолмадим, бўлти, бораман дедим. Кўл ташлашдик... Нима қилибди... Аввал... аввал ўша фермер хўжалигига ўз соҳам бўйича ишга кираман. Секин у ёк-бу ёқни қараб, маблағ жалб этишга ҳаракат қиласман. Балки кредит олармиз банклардан. Сангин ака пул топамиз деди! Ахир хўжалик ёшларни қишлоқда ушлаб қолишини хоҳтайди-ку! Мана кўрасизлар, бир йил, узоги билан икки йилда ўз ишимни-дискотекани очаман, ҳаммандарни чақираман. Бува, биринчи меҳмон сиз бўласиз...

Зоир ота: Ҳа, ҳа, умрингдан барка топ, албатта бораман, албатта...

Шавкат: Дада, ростдан ҳам бунинг гапларига ишонаяпсизми?! Бу, бу хаёлпараст тентак-ку! Бу қишлоқнинг, ўзбек қишлоғини қандайлигини умуман билмайди. Кўрган бўлса, бир-икки Паркентдаги қишлоқларни кўрган дам олишга чиққанимизда.

Қашқадарёнинг чўлларида ҳеч бир шароитсиз, яқин кимсасиз ёш бола бир ишнинг бошини тутиб кета олар эканми?! Бу романтикамас, фирт аҳмоқона фикр, тентакликдан ҳам баттар.

Зоир ота: Шавкат, ёшинг элликка қараб кетяпти. Айт-чи, сўнгти йилларда бирор марта ўз манфаатингдан нарига ўтиб, ўзгалар учун ҳам бир иш қилдингми? Дунёда фақат ўзим бўлай, мендан бошқаси бўлганча бўлар деб яшаб бўлмайди. Ёшлик бир асов дарё. Юрагида ўт қайнаган пайтда инсон унча-мунча қийинчилликка қарамайди. Муаммою мушкилотларни осон ҳал қилади. Муҳими, мақсад аниқ, бўлсин, танлаган йўли тўғри бўлсин, куч-гайратини жўяли сарфлай билсин. Шунда қилган ишидан ўзигаям, ўзгагаям манфаат тегади. Катта ишлар қилишни замон сўраб туриди. Мана шу тойчоқлар келажак учун ишламаса, интилмаса, бу юртни ким обод қилиб, ким жаҳонга қўшади. Ота-боболарнинг буюқ ишларини гапириб мақтанишни яхши кўрамиз. Ўзинг ҳам телевизорга чиқсанг Имом Бухорий, Нақшбандий, Амир Темур деб оғзингнинг таноби қочади. Ҳўш, инсон ўтмиш билангина тирикамаску?! Бугуннинг, эртанинг буюклари чиқиши керак-ку! Токайтча улуг тарих, шонли тарих деб ётасанлар? Қўй болангни ўз ҳолига, сен белгилаган йўлдан эмас, ўз йўлидан борсин.

Дилбархон: Дадажон. Ойбек ёш бола-ку ҳали...

Зоир ота: "Бўлар бола ўн бешида бош бўлади, бўлмағури элликдаям ёш бўлади", деган экан бурунгилар. Шунака режалар тузишга ақли етиптими Ойбекнинг, демак у ёш бола эмас. Ота-онага бола ҳамиша ёш туюлаверида. Ҳамонки, ўз ақлим билан яшаб, ўз меҳнатим билан бир нарсага эришаман деяптими, демак у ўз ҳаёти учун ўзи жавоб берга олади. Фикрлайдиган одам ҳар нарсага ўз ичиди, "нега" деган сўроқни бериши керак. Ҳар ишни англаб, моҳиятига етиб бажариши керак. Ҳар нарсага мустақил ёндошув керак. Шунда фикр ҳам, ҳаёт тарзиям ўзига хос мустақил бўлади. Шунда ўсиш, ўзгариши, тараққиёт бўлади. Фикр ўсмаса, кимнидир дегани ёки қилган иши кўр-қўрона такорланаверса, ҳаётнинг не маънисию, не чиройи қолади?! Беринглар эркини ўзига! (*Ойбекка кўз қисиб*) Тойчоқ далаларда бир яйрасин. Иродасини, ақлзаковатини синасин. Агар ўша қишлоқларда набирам ўйлини топса, мен фақат хурсанд бўламан, бугинамас, фахрланаман ҳам.

Шавкат: Дада, нималар деяпсиз?! Ўзингиз пул топаман деб саксонга борганингизда тадбиркор бўлиб юрибизу, мени ўзинг учун яшайсан, худбинсан, дейсиз. Яна шу ёш боланинг енгилтак хоҳишларига ён берасиз. Тушуна олмаяпман сизни.

Зоир ота: Ўғлим, сен ўқидинг, китобга берилдинг, олим бўлдинг, худога шукр, тўғри юриб, тўғри яшадинг. Дунё ўзгариб, баъзи қийинчилклар пайдо бўлди. Вақт бир жойда қотиб турмас экан. Аммо сен бир жойда турдиган қолдинг. Кирққа кириб-кирмай юрагингда олов сўнди. Тинчгина бола ўқитиб, институтга тайёрлаб, бироварни хат-хужжатини кўриб берди, топган беш-үн сўминг қора қозонингни қайнаттанига шукр қилиб, четга ўтиб олдинг. Ўглинг буни хоҳламаяпти. У эл-юртга ҳам нафим тегсин, ўзим ҳам бирордан кам бўлмай деяпти. Яхши еб, яхши киймоқчи. Орзу-ҳавасли дунёда бою-бадавлат бўлиб яшамоқти. Тўгрими тойчоқ? Нимаси ёмон буни?

Ойбек: "Прикол!" Тўппа-тўғри, бува.

Шавкат: Дада, сиз айтётганинг хомхаёл. Боюбадавлат яшашнинг ўзи бўлмайди.

Зоир ота: Албатта, ким сенга барчасини тайёр қилиб беради. Шунинг учун ҳам умр берилган. Барини ўзинг, ўз куч-куватинг, интилишинг билан яратгин деб. Худога шукр, юрт тинч, ҳар қанча интилсанг йўлинг очиқ. Яна айтаман, катта ишлар замони ҳозир. Мўлжални ҳам катта олиш керак. Ойбек узоқни кўзлаётган экан, йўлини тўсма!... (*ҳазил аралаш*) Қани, тойчоқ, ўзимизни



ўзбекчасидан ҳам қўйчи, мен сенга болельщик. Биз даданг билан қофозларимизни тахлаб олайлик. Кабинетингта ўтамизми, Шавкат?

(Шавкат гарансиб, ўйланиб, отаси билан иш хонасига кириб кетади).

Иккинчи қисм

5-кўриниш

Мастуранинг квартираси. Радиода сокин куй тараляпти. Ошхонада "жиз-биз" овозлар. Сабоҳат бир нима пиширятни. Эшик қўнғироги қайта-қайта жиринглайди. Ўйқудан энди турган Малоҳат эснаб чиқиб, эшик томон ўйналади.

Малоҳат: Сабо, эшикни очсанг бўлмайдими? Эшитмаяпсанми?

(Малоҳат эшикни очади. Замонавий тадбиркор аёллардай ўзиға қараб, дид билан сипо кийинган, бир қарашда ёқимли таассурот қолдирадиган қиёфада Гулнора кириб келади. Кўлида чоргок чамадон.)

Малоҳат (шодон): Вой, Гулнор хола. (қучоқлашиб кўришадилар. Ошхонадан фартук тақъян Сабоҳат ҳам чиқиб келиб, холаси билан кўришиади)

Сабоҳат: Гулнор хола, яхшимисиз, поччамлар, Гули, Ниgora қизлариз яхшими? Рустам катта йигит бўлиб қолдими?

Гулнора: Ўзингизлар қалайсизлар? Тинч-омон ўтирибсизларми? Ҳалиям ухлаб ётувмидинг, Малоҳат? Ўқиши ўйқуми бугун? Сен дурустмисан, Сабоҳат, ўқишлиар тугаб қолдими? Ойинг қани?.. Ҳа-я, ишладир, ҳойнаходи...

Сабоҳат: Ҳа, ишдалар... Келиб қоладилар... Холажон, келинг, ўтиринг. (Уччовлари стол атрофига ўтириб, дуо қилишади. Сунг Сабоҳат Малоҳатга) Сен бориб ўқишига кетишнинг ҳаракатини қил! Мен ҳозир... Блинчик пишираётвидим. Сиз ўтира туринг... (Малоҳат дастурхон ёзib, сервантдан қанд-қурслар олиб қўя бошлайди)

Гулнора: Малоҳат, сен ўқишингдан кеч қолма, кириб кийинавер... Айтмоқчи, Сабоҳат ҳам ўқишига бориши керак-ку?

Малоҳат: Йўқ, Саболарнинг ўқиши тугаб қолган (дастурхон тузашда давом этиб). Битириши имтиҳонларини топлشиряпти.

Гулнора: Сенчи? Мактабни қачон битирасан?

Малоҳат: Бир йил бор ҳали. Бу йил тўққизга ўтаман.

Гулнора: Ҳа-я, ҳали бироз бор-ку сенга. Аммо кўрган одам сени мактаб боласи демайди...

Малоҳат: (кувлик билан) Тўғри, хола, мактабга бориб, дарс тайёрлайвериб эзилиб кетдим. Боғча боласига ўхшаб қолибманми?

Гулнора (хандон ташлаб кулиб): Вой курмагурэй, жуда аломатсанда Мало... Очилиб кетибсан деяпман. Бўй-бастингни қара. Ҳойнаходи битта-яримта йигитинг ҳам бордир?

Малоҳат (тан тортмай ҳазил билан): Яримтамас, манга бир яримта келадиган "додахўжай" йигитим бор эди. Жа "шумний" бола. Мактабда бирорни яқинлаштириласди. Олдин синфда ҳамма болалар Мало, Малошка деб атрофимда ўралашиб юрарди. Бу дерзила ҳаммасини тинчтди. Қарасам, яккамохов қилиб кўйяпти, рейтингни тушиб кетяпти. Шартта бордим-да, "ў", пацан, дедим, чочиб ташайман, ўт бу ёқقا" дедим. Мани Мало-бало дейдилар, сандақа чурвақаларни копейкага олмайман, ман независимий қизман дедим, "ўч" дедим. Ўчди. Ўшандан бери рейтинг янга кўтарилиган. Ҳамма болалар менга парвона. Так што, битта-яримтамас, целий мактаб йигитим бор. Ҳозир кириб, "шик" кийиниб чиқсан, янаям очилиб кетаман.

Гулнора (кулиб): Вой курмагур Мало ей-й..., Мало бало деганча борсан-да...

Сабоҳат бир қўлида қўймок таҳланган тарелка, иккинчи қўлида чойнак сұхбат устига кириб келади.

Сабоҳат (енгил койиб): Ҳали шу ердамисан?! Бор тезроқ ўқишингга, кеч қолдинг-ку?

Малоҳат (йўлакай тарелкадан битта қўймоқни илиб олиб): Бораманда, ўқитувчилар барibir мени кутиб туради дарс бошламай...

Гулнора: Ия, бу қанақаси бўлди? Сенлар ўқитувчини кутиш ўрнига, у сизларни кутадими?

Малоҳат: Ҳамманимас, битта мени кутади. Хола, ким билан гаплашаётганингизни биласизми? Мен авторитетман синфда. Мен бориб синфни тинчтит берганимдан кейин, ўқитувчи дарс бошлайди...

Гулнора: Ростданми, ҳали мактаблар шунақа бўлиб кетганими?

Сабоҳат: Бор, бор, лағмон илавермай, ўқишингга бор, тезроқ (*Малоҳат чиқади*). Сиз ҳам соддасиз-да, хола, ҳамма гапига ишониб ўтирибсиз-а?

Гулнора: Ким билади, биз содда қишлоқилар ўн-ун беш йилдан бери шаҳар ҳаётидан узоқлашиб, бу ерларда нималар бўлаётганингидан бехабармиз-да. Келсак, битта-ярим қариндош-уругникига тўй-ҳашамга ров келиб, ров кетамиз. Шаҳар болалари, мактаблар бунақа бўлиб кетганини билмаймиз ҳам, очиги ишимиз ҳам йўқ. Бизнинг болалар ёш, балки ҳали кичкина синфларда бўлгани учун ҳам сезилмас. Лекин дарс бўлмади, муаллим шаҳарга пул ишлагани кетиб қолибди, ремонтга пул беринг, синфни жиҳозлаб беринг деган гапларни тез-тез эшитамиз. Аммо ўқитувчи дарс бошламай, ўқувчини кутиб ўтириши... ақл бовар китмайдиган иш...

Сабоҳат: Хола, қизикмисиз, Малонинг ўнта гапидан биттаси рост бўлса бор, бўлмаса унисигаям ишонч йўқ. Ҳамма билан шунақа ҳазил-хузул қилиб, кулишиб кетаверади. Сизнам бир кулдирай деган-да!

Гулнора: Вой, курмагур Малоҳат-еј. Жуда шўх қиз бўлибти-да бўлмаса, менга тортиб. Мен ҳам шунақа, ерга урса кўкка сапчирдим. Ойинг у, ҳалимдеккина бўлиб, бир гап гапирса уялиб, қизариб ўтиради. Сен ҳам онанга ўхшадинг. Ўй иши, майда-чўйда юмушлар билан кўймаланишаверасан... Майли, бу гапларни қўяйлик. Сабоҳат, сан ақли, мулоҳазалари қизсан. Ўқишинг ҳам битиб қолибди. Келажагингни ўйлаисанми? Тўғриси, мен сени олиб кетгани келдим. Бу ерда ҳамшираликка жойлашиш жуда қийин. Жойлашган тақдирингда ҳам топганинг ўзингнинг юриш-туришингдан ортмайди. Ойинг айтгандир, биз поччант билан хусусий стомологик клиника очганмиз. Мен тишларни даволайман, поччант эса ортопед-коронка, протезлар ясал, тиш қўяди. Беш қўлни оғизга тиқмай, ўша ернинг, одамларнинг шароитига қараб инсоф билан ишласа, кам бўлмас экан инсон. Даволанувчилар кундан-кун кўпайиб, иш қизиб кетяпти. Клиникани кенгайтирмасак, мижозларни йўқотиб қўямиз. Шу келишда яна битта стоматологик стол-комплект олиш масаласини ҳал қилиб кетишим керак. Демак унда ишлайдиган врачлар, ҳамширалар муаммосиням ҳал этиши лозим. Табиий, ойлик маош ишига қараб, плюс жой-шароитига қараб, давлатнинг клиникаларидан беш-олти баробар кўп бўлади. Сен мана тайёр ҳамшира бўлсанг, нима қиламан мўмай ойликни бирорга бериб. Бу ёқда ойингнинг аҳволини сал енгиллатармидик... Айни орзу-ҳавас кўраман деганда, саҳар мардондан пол ювиб, фаррошлиқ қилиб келиб, яна игна-ипга кўз нурини тўкиб, емай-ичмай сенларнинг мол-ҳолингни қилиб, умрини шундай ўтказаверадими?

Сабоҳат (суюниб, сунг суюнганини яширишга уриниб, сиполик билан): Холажон, тўғри ҳамма гапларинги. Мен ҳам ойимга жуда ачинаман. Нима кўрдилар ҳаётда. Дадам билан турмушлари ўхшамади. Улар ёрдам бераман десалар, ёрдам у ёқда турсин, ҳатто номлариниям тилга олдирмайдилар. Ўзлари эса меҳнат-машақатдан бўшамайдилар...

Гулнора: Нима, даданг билан кўришиб турсасанларми?



Сабоҳат: Фақат мен яширинча учрашиб тураман. Гоҳо ўқишимга келиб, ахволимдан хабар олиб кетасилар. Малоҳат яқинлаштирилмайди. Ойимга ўшаб гордий уям. Ёйимлардан чўчидими, ҳар қалай мактабига уч-тўрт борсалар, кўзларига кўринмай, қочиб кетибди. Мен дадамни ҳам тушунаман. Сўймаганга сўйкалма дейишади-ку! Балки ойим бечора фақат уй, иш-юмуш деб юравермасалар, ҳаётлари бошқачароқ бўлармиди...

Гулнора: Майли, қўй бу гапларни, вақти келиб ҳаммалари тушунишар ким ҳақ, ким айбор... Сен бу томонини ўйла. Дипломингни қачон оласан? Мен бешолти кун шу ерда бўламан. Ҳалиги масалаларни ҳал қилишим керак. Рози бўлсанг, ўзим билан олиб кетаман...

Сабоҳат (ўйлануб ер чизиб): Ўзимга қолса, йўқ демасдим, хола. Мехнатдан сира қочмайман. Аммо, лекин...

(Шу пайт ичкаридан башанг кийинган тор шим, енгил қизил кофтада, пародоз-андоз қилиб олган, қўлида сумкача Малоҳат чиқиб келади).

Малоҳат: Ўтирибсизларми, компания бўлиб?

Гулнора (ҳайрат билан): Вой Мало-о... Жуда бошқачасанку-а?! Бу ерда мактабга шунақа аҳволда борса бўладими?

Сабоҳат: Форманг қани, Мало? Мактабга кетяпсанми ё ўйнаганими?

Малоҳат: Ишинг борми менда... Сиз кечаси билан дискотекада юрсангиз майлию, мен ўтираверайми кўмилиб... Мактабда барибир тайинли дарс бўлмайди. Чораклар якунланган, эрта-индин канikuлга чиқамиз. Номига бориляпти... Синфдош болалар билан бир-икки соат мактабда бўлиб, кейин "Рандеву"га бормоқчимиз. Жа класний ўйинлар бор, нарёғи фонтан...

Гулнора: "Рандеву"йинг нимаси?

Малоҳат: Билмайсизми, хола? Сайлгоҳ борку, кечаси-кундузи одам қайнаб ётади, ўйинлар, караоке, хоҳласангиз ашула айтасиз, хоҳласангиз расмингизни чизиб ташайди, бедний художниклар... вообщем зўр... ҳеч зерикмайсиз...

Сабоҳат: Ойим биладиларми? Сўраганмисан?

Малоҳат: Ойимларни бугун ҳали кўрмадим-ку, қандай қилиб сўрайман?!?

Сабоҳат: Сўрамаган бўлсанг, мактабга бориб, сўнг тўгри уйга келасан, тушундингми?

Малоҳат: Ақл ўргатаверма, ўзим ҳам биламан. Ойим келиб қолсалар сўрайман деб турибман-да, санинг олдинга кўзингни мазолит қилиб.

Гулнора: Катта кўчаларда шунақа аҳволда юришга кўркмайсанми, ёшгина қиз?

Малоҳат: Нимадан қўрқади? Нааборот, болаларнинг ўзи қўрқади бизлардан. Мен қаратэга қатнишман. Уже белбогим бор. Қани биттаси яқинлашсин, "тўқвораман", мана бунақа приём қилиб ташлайман (қарате машқларини кўрсатиб беради), тамом, секундда ўчади...

Гулнора: Вой Малоей-й... балосанда, бало...

Сабоҳат: Бўлди, бас қил совуқ қиликларингни... Мактабингта бор, кеч қоласан ойимни кутсанг. Дарсдан кейин келиб, сўраб кетасан...

Малоҳат: Бўлти, мен кетдим бўлмаса, хэлло май френд, хэлло (инглизча хиреёй қилиб чиқиб кетади).

Гулнора: Синглинг ҳеч зериктирилдиган қиз бўлиби-да, бирорга тил бермаса керак сира?

Сабоҳат: Малонинг кўнгли жуда тоза, хола. Бир иш қилса, ёпишиб қиласди, охирiga етказмагунча қўймайди. Кейин жуда киришимли, ҳамма даврага кириб кетаверади ва бир пасда даврадагиларни ўзига қаратиб олади. Гапга ҳам уста. Шунинг учун синфдошлари ҳам, кўшнилар ҳам яхши кўришади уни. Үқишлири ҳам ёмонмас. Яна, ҳали кўрдингиз-ку, қаратэга қатнаб, мусобақаларда қатнашапти. Фақат ўйинқароқроқ. Бир жойда кўп туролмайди.

Гулнора: Ҳа, тегирмонга тушса, бутун чиқади Малоҳат. Бирорга ҳақини осонликча бериб

қўядиганлардан эмас. Ўзи асли ҳаётда шунақа бўлиш керак. Ушлаган жойингни кес. Мақсадин аниқ қўйиб, шунга жадал интилиш керак. Бизни ўзбекчилиқда нима кўп, бехуда, кераксиз уринишлар, одамни чалғитадиган майда-чўйда юмуш, ташвишлар кўп. Ҳар хил лозимандалар, латта-путталарга ўралашиб, умрни арзимас нарсаларга сарфлаб юборамиз. Мана, ойинг. Сенларни мол-ҳолингни бут қиласман деб тиними йўқ. Зарурми шунчалик десам, қизларимни баҳти тўкис бўлсин дейди... (ўйлануб қолиб бир зум хўрсаниб). Кошки баҳт шу латта-путталарда бўлса?! Майли, нима бўлгандаям онангни оғирини енгил қилиш керак... Хўш, кетасанми мен билан?

Сабоҳат (яна ўйлануб): Ойимлар кўнмайдилар барибири.

Гулнора: Ўзинг рози бўлсанг, онангни мана мен кўндираман!...

(Эшик қўнғироғи жиринглайди).

Сабоҳат (эшикка ўйнала туриб): Вой, ана ойимни ўзлари келиб қолдилар, шекилили...

6-кўринини

(Дастлабки саҳнадаги дискотека. Ҳали эртароқ бўлгани учун шовқин ўйқ, шўж ўйинлар бошланмаган. Сокин куй тараляпти-Лотин Америкаси оҳангарида. Саҳнада мўъжалаз стол-стуллар. Томашабингга таниши чехралар-олти синфдошдан учтаси "кола" ичиб, сұхбатлашиб ўтирибди.)

Феруза: Ойбекнинг кетиши аниқ бўлдими болалар?

Санжар: Аниқ! Бутун хайрлашув кечаси...

Равшан: Ойбекка қойилман. Дадасини барибир кўндирибди...

Санжар: Бувасига раҳмат дейиш керак. "Миравой" чол экан.

Феруза: Энди нима бўлади?

Санжар: Нима бўлади, кетади энди!

Феруза: Тўғри кетади, лекин бу ёғига нима бўлади. Сўнгайиб кишлоқда ўтиримайди-ку!

Равшан: Нега сўнгайиб ўтиаркан. Ишлайди. Фермер хўжалигидаги экономист бўлиб ишлайди. Сенга хатлар ёзди "шаҳардаги дугонамга" деб.

Феруза: Ойбекнинг ўзининг хат ёзадиган дўгонаси бор. Зор эмас менга.

Санжар (маъноли қилиб): Сенгаям зорлар топилиб қолар.

Равшан (бир оз қизаруб, ҳаяжонланиб): Ҳа, ҳа, тўгри.

Санжар (Равшанга): Лавлагиз чиқиб кетди...

Феруза: Жиннимисан, Санди?! Равшаннинг Ойбекка ҳаваси келяпти...

Равшан: Очиги, ростдан ҳам ҳавасим келяпти.

Санжар: Э, буларнинг ҳаммаси уч-тўрт кунлик кислород. Кислород балонни кўрганмисан? Сваркага ишлатади-ку. Бўшагандан кейин алмаштиришади. Ойбекниам пари чиққандан кейин, милинкий бўлиб қайтиб келади.

Равшан: Қайтмайди. Ойбек ориятли бола. Ўлса ҳам фурури синадиган иш қилмайди.

(Кундуз кириб келади. Ўзига жуда оро берган-очилиб кетган)

Кундуз: Қалайсизлар!...

(Ҳамма Кундузни кўриб, бир муддат тикилиб қолади.)

Феруза: Даҳшат! Вообще "шик"!

Санжар: Тахта қилиб қўйдингку, вэй!

Равшан: Эҳтиёт бўл, юрагингдан уриб қолмасин.

(Кундуз ўзини кўз-кўз қўлгандай беғубор жилмайиб туради)

Санжар: Йиқиламан ҳозир!

(Кундуз столда очиқ турган "кола"дан ҳўплаб, Санжарнинг юзига пуркайди)

Феруза: Прикол!



Санжар (ўзига келиб): Ўв, томинг кетдими?

Кундуз: Менинг эмас, сенинг томинг кетди. Йиқилиб тушмагин дедим. Биру бир.

(*Равшан, Феруза хандон ташлаб кулиб юборишади*)

Равшан: Болладинг. Аёл кишини макридан қўрқ, деб бекор айтишмаган, оғайни. Барибир учун олади. Шунинг учун уларни фақат яхши қўриш керак.

Кундуз: О, донолар доноси. Бу гапларни албатта, ёзиб қўйиш керак. Феруз, дафтариңгни ол...

Феруза: Ростдан, Кундуз. Жуда очилиб кетибсан.

Кундуз: Ўзинглар хайрлашув куни дединглар-ку! Шунга бироз ўзимга қараб қўйдим-да...

Равшан: Бирозгинаси шунаقا бўлса, росманаси қанақа бўлади? Қара, Санжар бечорани ҳалиям тили айланмаяпти.

Санжар (қизарив): Бўлди, лағмон қилаверма!

(*Ойбек кириб келади. Болалар билан ҳавода қўл уришириб сўрашади*)

Ойбек: Зўрмисизлар, болалар. О, Кундуз, Кундуз... Санди, мени чимчилаб қўй! Даҳшат-ку! Ништак бўлиб кетибсан. Қойилман... Сабо келмадими?

Феруза: Ойбек, Кундузни мақтайсан-у, Сабоҳатни сўрайсан-а?

Санжар: Сенинг ҳам юрагингда "дирка" бўлса, ўша юрагингни тешганни ўйлайсан.

Равшан: Демак, ҳозирдан бошлаб Санжарният юраги "дирка".

Санжар: Писта қил, ўв... Тўкиб қўяман, ҳозир.

(*Шу пайт Сабоҳат кириб келади*)

Сабоҳат: Бизниям даврага қўшасизларми?

Кундуз: Худди келишиб олгандай-а...

Феруза: Сабо, бормисан! Намунча ҳаялладинг? Вақтлироқ учрашамиз деб келишувдик-ку.

Сабоҳат: Эй, ойимларга бир соат тушунтиришга тўғри келди. Дискотеканг ёмон жой экан, болалар бузилиб кетар экан деб, сира юборгилари келмади. Борасану хайрлашиб тезда қайтасан деб, бир соатга зўрга жавоб бердилар.

Равшан: Мана, Ойбек, эшитдингми, бўлгуси қайнонангни дискотакага муносабатлари қандай экан. Сен бўлсанг Қашқадарёга бориб дискотека очаман деб юрибсан.

Санжар (ҳазилга буриб): Ха, нима, жуда аҳидан қайтмаса, қизларини бермай қўя қоладилар-да...

Сабоҳат (қизарив): Жиннимисизлар, болалар. Оғизга келган гапни айтавериш эканда!

Ойбек: Гапирларинг, гапираверларинг... дадамга ўҳшаб, сизлар ҳам барибир тушунмайсизлар.

Кундуз: Тушунтир биз омиларга! Мактабни битираётгандан бир-биримиздан ҳеч нарсани яшириш йўқ деб, ҳаммамиз келишгандик-ку! Сен бўлса кеча қўришганимизда ҳам кўнглингдагини очиқ айтмадинг. Орқаваротдан эшитиб юрибмиз. Яна бирдан бугун "хайрлашув куни" дейишиди...

Ойбек: Нега энди? Ахир бир проект бор, яхшилаб пиштиб олгандан кейин ўзим айтаман деган эдим-ку.

Равшан: Пишдими, ишқилиб?

Ойбек: Ҳозирча икки киши мен томонда. Дадамни кўндириш қийин бўляпти.

Санжар: Тўгри-да! Ёлғиз ўғил, эрта-индин инситутга кирадиган "каллали" бола, ҳаммасини ташлаб, чўл-бийонга кетаман деса, ким тушунади, оғайни?

Ойбек: Қарши ҳозир жуда гўзал шаҳарга айланган...

Кундуз: Да-а, омиларни лол қолдиришга жуда уста бўлиб кетгасизлар, жаноби ўғил болалар! Марҳамат қилиб бизларга ҳам тушунтиранглар, бўлмаса биз...

Ойбек: Бўлмаса, биз акли ноқислар ҳайрон бўлиб ўтираверамиз, демоқчимисан?

Сабоҳат: Ойбек, жуда ҳаддингдан ошма!

Ойбек: Ҳазил! Болалар, мен Қаршида дискотека ташкил қилмоқчиман. У дискотека бутунлай бошқача бўлади. Менинг дискотекамда ҳамма учун мусиқа бўлади: ўзбек эстрадаси, классик мусиқа, шашмақом, чет эл,

рус эстрадаси, классикаси, 60-, 70-, 80- йиллар мусиқаси, кексалар учун ретро мусиқа. Ашула айтмоқчи булганларга караоке. Албатта у ерда рубоб, дутор, гижжак, доира, акардионга ўҳшаган асблолар бўлади. Кимнинг қўлидан келса олиб чалаверади. Хуллас, одамларнинг хоҳишидан келиб чиқадиган дискоклуб бўлади.

Кундуз: Нимага Қаршида, Тошкентда эмас?

Ойбек: Яхши савол. Аввалам бор бундай ишни Тошкентда бошлаш учун менда етарли маблаг йўқ. Кейин эса...

Санжар: Қаршида бошлашинг учун маблагинг борми?

Ойбек: Йўқ. Бир ойча аввал коллежимизда қашқадарёлик бир фермер билан учрашув бўлганини айтудим-ку, эсингдами? Ҳўжалиги зўр, жуда гуриллаётган экан дэвдим. Хуллас... ўша фермер ҳўжалигига ишга бораман. Кейин маблаг топишга ҳаракат қиламан. Кредит оламан банклардан. Ўша фермер Сангин ака ёрдам беради! Қолаверса, мана сен борсан, Санжар, ёрдам бермайсанми?

Санжар: Менми...мен...

Кундуз: Санжар, йўқ деб қўяқол. Ойбекка катта пул керак.

Санжар: (Кундузга) Сен даилоллик қилма. Мен, Ойбекдан хеч нарсанни аямайман. Лекин, Бек бу ишинг хом иш. Реал эмас. Ҳомхаёл. Романтик хаёлларга маблағ сарфлаш эса - аҳмоқлик.

Ойбек: Майли, ҳомхаёл бўлсин. Мен ўша хомхайлни ҳақиқатга айлантироқчиман.

Равшан: Нима учун сен?

Ойбек: Нима учун мен? Яхши савол. Мен яқинда телевизорда бир лавҳани кўриб қолдим. Риштонда бир йигит бор экан. Телемастер. У йигитнинг қўллари йўқ.

Сабоҳат: Вой. Қандай, қўллари йўқ?

Ойбек: Шундай. Ампутация қилинган.

Сабоҳат: Қўллари бўлмаса қандай ишлайди?

Ойбек: Оёқлари билан ишлайди. Отверка, паялник, ҳамма нарсани оёқлари билан бажаради.

Феруза: Вой, мен ҳам кинода кўрганман. Биттаси оёқлари билан бутилка очади, пиво қуяди, милтиқ отади, расм чизади. Қулиб қотган эдим.

Кундуз: Майли, буни сенга нима даҳли бор? Ахир сен соппа-соғсан-ку.

Ойбек: Ҳамма гап шунда-да. Соппа-соғман. Қаллам жойида. Қўл-оёғим бутун. Лекин ногиронга ўҳшаб яшайман. Дадам ёрдам беради, онам қўлтиқлайди, тогам ўрнимни топиб ўтказиб қўяди, холам жойлаштириб қўяди. Мана шу ногиронлик эмасми?! Ҳамма нарса олдиндан белгиланган, худди трамвай изидагидек бекатлар аниқ; мактаб, институт, сердаромад жой, ҳашаматли уй, уйланиш, бола-чақа, каръера...Бир қадам у ёқ, бу ёқка ўтиш имкони йўқ. Фақат релс бўйича.

Равшан: Сен трамвайда эмас, таксида юрмоқчисан, шундайми?

Ойбек: Мен ўзимни нимага қодирлитимни билишни истайман. Ўша сизлар айтган хом хаёлни ҳақиқатга айлантира оламани, йўқми, умуман бирор нарсага ярайманни йўқми? Шуни билишни истайман.

Санжар: (Истеҳзо аралаш) Болалар, тост! Мен мана шу колани ширин ва гўзал орзулар учун, дўстимиз Ойбек мисолида зўрга жон сақлаётган романтиклар учун ичишни таклиф қиласман. Бек, сен бизнинг фахримизсан, Ойбек учун! Унинг "Дискотека"си учун!

(Ҳамма ичади)

Хонимлар ва жаноблар! Дискотека бу ёшларнинг эркинлик зонаси. Биз бу ерда барча нарсалардан озодмиз. Бугунги кечада дўстимиз Ойбекка бағишиланган экан, значить гулем! Соққаси биздан!..

Феруза: (ўйноқлаб) Мана буни саҳиyllик дейдилар!

Кундуз: Ойбек, яна битта савол берсам майлими?

Ойбек: Марҳамат.

Кундуз: Қароринг қатъий, шекилли? Ота-онангни

ҳам кўндиридинг дейлик, лекин ундан кейин нима бўлади? Улар ўз ҳолича, сен ўз ҳолингча бошқа-бошқа яшайсизларми?

Равшан: Биз туғилганимиздан то ҳаётимизнинг охиригача ота-онамиз билан боғланғанмиз, улардан ажралиб чиқиб кетиб, мустақил яшашимиз қийин...

Ойбек: Бизларнинг ота-оналаримиз - ўз даврларининг одамлари. Улар шундай яшаб келишган. Уларнинг тушунчасида болани катта қилиш, уни ўқитиш, уй-жойли қилиш, уйлантириб қўйиш, фарзандлари олдидағи бурчлари.

Равшан: Тўгри, биз ҳам бу бурчни бузилмас қонун деб билиб, ота-онамиздан умидвор бўлиб турмиз. Бундан ташқари яна, ўзимиз ҳам вақти келиб шундай қиласиз. Демак, бу бизни қонимизга жуда қаттиқ сингиб кетган. Ундан кутилиш мумкин эмас. Бу агадий анъана!

Ойбек: Тўгри, лекин шу тарзда яшайверамизми? Ахир дунё ўзгарди-ку! Бизнинг ўз йўлимиз, ота-оналаримизнидан бошқача, ундан афзалроқ йўлимиз бўлиши керак эмасми? Олдимизга аниқ мақсадлар кўйиб, уни рўёба чиқариш учун ҳаракат бошлаш зарур.

Кундуз: Ойбек, ниятларинг жуда яхши-ю, гапларинг ниҳоятда баландпарвоз-да, ўртоқ. Худди Олий мажлис минбаридан айтилаётгандай. Қарсак чалиб юборгим келаятти.

Ойбек: Чал қарсагингни! Ниятлар юксак бўлгандан кейин унга баландпарвозлик ярашади-да, мен сенга айтсам.

Кундуз: Ойбек, сен ўша азалий анъаналарни инкор қилиб, ота-онанг ҳоҳишларини рад этиб, нимага эришмоқчисан? Кимга нимани исбот қилмоқчисан?

Ойбек: Ҳеч кимга, ҳеч нарсани исбот қилмоқчи эмасман. Мен ота-онамни ҳоҳишларини рад этиб, умуман баш олиб чиқиб кетмоқчи ҳам эмасман. Мен фақат ўзим мустақил, ҳеч кимнинг "поддержка" сисиз, ўз кучим билан ўз "ишим"ни бошламоқчиман. Мен ўзим учун жавобгарликни ўз бўйнимга оладиган пайтим этиб келди деб ўйлайман.

Равшан: Ҳаёт учун жавобгарлик? Бундай жавобгарлик ҳаммамизнинг зиммамиза бор. Фақат бу жавобгарликни ота-оналик бурчидан ажратиб, улардан бошқа-бошқа тушуниш керак эмас.

Ойбек: Худди шундай! Биз ўша жавобгарлик борлигини биламиз, лекин уни ўз вақтида бўйнимизга олишдан кўрқамиз. Ёки уни кераклича ҳис қилмаймиз. Бундай жавобгарлик анчагача ота-оналаримиз елкасида бўлади ва биз шунинг учун ҳам узоқ ваqt уларнинг қарамоғида яшаймиз.

Санжар: Жуда қизиқ гаплар бўлаяпти-ку! Нима, мен ота-онамнинг айтганини қилмаслигим, улардан бўлак яшашим керакми?

Ойбек: Менинг, сенинг ёки унинг мустақил бўламан деганимиз, ота-онасидан буткул бўлак бўлиш дегани эмас, хар бир инсон ота-онаси билан умрбод боғланган.

Кундуз: (Санжарга тикилиб, истеҳзо билан) Айниқса "баззилар"...

Санжар: Тушунмадим.

Кундуз: Ўзингни гўлликка солма, Санжар.

Санжар: Гўлликка солаётганим йўқ. Нима демоқчисан сен ўзи?

Кундуз: Бу гапларнинг сенга ҳеч қандай дахли йўқ демоқчиман. Сен ота-онангнинг пинжидан нари кетолмайсан. Бунга ҳожат ҳам йўқ. Улар сен учун ҳамма нарсани тайёр қилиб беришади...

Санжар: Нима, бунинг учун мен айброрманми?

Кундуз: Ҳеч ким сени айборд деяётгани йўқ. Фақат бу ерда сенга даҳлдор бўлмаган масаласа тўғрисида баҳс бораляпти. Сен бориб бемалол ўйинга тушаверишинг мумкин.

Санжар: Сен ҳаддингдан ошаверма, мен...

Сабоҳат: Бўлди қилинглар, нима кераги бор ҳозир бу тортишувнинг. Баҳс қилишни билмаймиз. Бирпаста мана бунақа уришиб кетамиз. Келинглар, яхшиси....

Санжар: Яхшиси рақсга тушамиз. (Кундузниг рўпарасига келади)

Кундуз: Ҳа, гапинг борми менда?

Санжар: Бор! Юр рақсга тушамиз!

Кундуз: Сен биланми?

Санжар: Мен билан, нима қипти?

Кундуз: Сен билан бир усулага тушолмайман-да. Оёғингни босиб оламан!

Феруза: Мен билан тушақол рақсга.

Санжар: Э, борларинг-э!

Ойбек: Кундуз, сенга нима бўлди?

Кундуз: Менинг бирор марта рақсга тушганимни кўрганимидиларинг? Рақсга тушмайман дедим, бўлдида!

Сабоҳат: Бас қилинглар, болалар! Мен бошқа чидаётмайман! Кетайлик. Ойимдан балога қоламан яна.

Равшан: Шошмай тур, Сабоҳат! Ойинг биладиларку, сен бутун Ойбек билансан. Бутун эса Ойбекнинг куни.

Санжар: (Унинг ишораси билан бармен бу сафар шампан винолари қўйилган бокалларни олиб келади) Мен яна бир бор Ойбек учун ичишини таклиф қиласман. Бек, сен мард йигитсан, ҳақиқий дўстсан. Мен сен билан фахрланаマン. Сенинг бошлаган ишинг ҳақиқий йигитнинг иши. Бўш келма, дўстим! Билиб қўй, Тошкентда сенинг дўстларинг бор ва улар сени ёлгизлатиб қўйишмайди. Ёрдам керак булса — тортинасдан сўра. Ҳар доим тайёрмиз. Гапим тўғрими, болалар?!?

Ҳамма: Тўгри!

Санжар: Бек, сен учун! Сенинг орзулалингни рўёбга чиқиши учун!

(Кундуздан бошқа ҳамма ичади)

Равшан: Кундуз, нима шампан виноси ичмайсанми?

Кундуз: Йўқ, ичмайман. Носамимий гапларни эса сира ёқтирамайман.

Санжар: Тушунмадим...

Кундуз: Нега тушунмайсан? Мен сенинг иккинчи маротаба қайтарган қадаҳ сўзингни назарда тутялман.

Санжар: Мен Бекни хурмат қилишимни айтдим, холос. Буни керак бўлса учинчи марта ҳам қайtarishiшумумкин.

Кундуз: Ўн марта ҳам қайtarishiшинг мумкин. Бироқ гап билан амалий ёрдам бошқа-бошқа нарсалар.

Санжар: Нима, ишонмайсанми?

Кундуз: Очиғи, йўқ!

Санжар: Сен бутун мен билан бутунлай юзкўрмас бўлмоқчимисан?

Феруза: Кундуз, мен ҳам ҳеч нарсага тушунмаяпман. Нима демоқчисан ўзи?

Кундуз: (Ферузага қарат) Нимага тушунмайсан? Ойбек қаeraяти?

Феруза: Қаршига, дискотека очиш учун. Хўш, нима қилиди?!

Кундуз: Биз унга нима билан ёрдам беришишим мумкин?

Феруза: Мен... йўлга тухум қайнатиб беришишим мумкин. Товуқ қовурибми...

Санжар: Феруза, бор, бориб ўйинга тушиб тур! Оёғинг каллангдан яхшироқ ишлайди сени. Бор!

Феруза: Бехазил. Йўлга эрмак учун бирон нарса олса зўр бўлади. Бек, чипсини яхши кўрасанми?

Санжар (бақириб): Феруза!! Бас қил!

Кундуз: Нега ўшқиравсан? Феруза Ойбекнинг бошқа бегона шаҳарга бориб, дўстларисиз, ёлғиз қолишини тасаввур қиласигапти. У ерда яшши учун, ўз ишини йўлга кўйиши учун анча-мунча пул кераклигини билмаяпти. Ҳар хил чипсилар билан ёрдам бериб бўлмаслигини тушунмаяпти.

Санжар: Бек, сенга пул керакми?

Ойбек: Керакликка керак, лекин мен ҳеч кимдан пул сўраганим йўқ.

Санжар: Сўрашнинг ҳожати йўқ. Пул тўғрисида муаммо йўқ деб ҳисоблайвер, дўстим.



Ойбек: Раҳмат. Санжар. Мен...мен сизлардан...

Санжар: Бўлди, бўлди. Сабо, тезроқ ўйинга таклиф қил, бўлмаса, йиглаб юборади.

Сабоҳат: Мен ўйинга тушмайман, мен кетаман.

Ойбек: Тўхта, Сабо! Нимага кетасан? Сенга нима бўлди? (Сабоҳат жавоб бермайди)

Гапирсанг-чи?!

Сабоҳат: Нимани гапирай? Сен гапираяпсан-ку, бўлади-да...

Ойбек: Мендан хафамисан?

Сабоҳат: (кесатиб) Йўқ, хурсандман. Сен ўзинг ҳаммадан билагонсан, ҳамма нарсани якка ўзинг ҳал қиласверасан. Мен билан нима ишинг бор сенинг...

Ойбек: Бу нима деганинг, Сабоҳат? Ахир келишмаганмиз-ку!

Феруза: Вой писмиқлар-эй!

Сабоҳат: Мени тўғри тушун, мен сен билан кетишни истаганимда ҳам барибир боришим гумонга ўшхайди...

Ойбек: Нега, нима, ваъдалар ёлғонмиди? Ёки... ёки бошқа биронтаси билан...

Сабоҳат: Аҳмоқ.

Ойбек: Бўлмаса, нима бўлди? Гапирсанг-чи.

Сабоҳат: Ҳеч нарса бўлгани йўқ. Фақат мен ойим билан гаплашиб олдим.

Ойбек: Сабоҳат, сен дунёдаги энг яхши қизсан. Ойинг сира хавотир бўлмасинлар... сен баҳтли бўлишинг учун ҳамма ишни қиласман. Фақат, фақат ёнимда бўлсанг бас!

Сабоҳат: Мени кечир Ойбек, ойимни ўласам... уларни ташлаб кетишга ҳеч кўзим қўймайти...

Санжар: Қани, Бек, наҳотки сен шундай қизни ташлаб кета олсанг? Наҳотки сени дискотеканг мана шу, сени севгучи гўзал қалдан афзалроқ бўлса?

Сабоҳат: Санжар, мен ҳали охирги гапимни айтганим йўқ...

Кундуз: (истеҳзо билан): Гапир, Ойбек! Қароринг ўзгармадими? Ўз сўзида туралиган эрқакмисан, ёки...

Санжар: Ҳа, Кундузлан қўрқиши керак... Ҳадисларда, Бек, отанинг ўз боласига тарбия бериши, бирор ҳунарни ўргатиши, уйли-жойли қилиб қўйиши унинг бўйнидаги қарзи деб ёзилган.

Кундуз: Қойилман. Ўзингнинг манфаатингга бўлса, ҳадисларниям эслаб қоларкансан-а? Ўша ҳадисларда отанинг бўйнидаги қарзини бажаришини кутиб, боласи оғзини очиб ўтириши керак деб ёзилмаганми?

Равшан: Мусулмончиликда "сендан ҳаракат, мендан баракат" ҳам дейилган.

Санжар: Бек, сен бир нарсани эсингдан чиқариб қўяяпсан.

Ойбек: Нимани?

Санжар: Оилани. Оила мустаҳкамлиги унинг бирлигига. Мустаҳкам оиладан бутун бир эл, миллат, мамлакат пайдо бўлади. Қадимдан маданий давлатларда ҳар бир оила аъзоси унинг бирлиги учун, демак миллатнинг, давлатнинг бирлиги учун жавобтар бўлган.

Ойбек: Демак, сенингча мен давлат бирлигини бузатётган эканман-да?

Санжар: Сен давлат бирлигини бузолмайсан. Лекин ўз оиланг бирлигини бузишинг мумкин. Ота-оналаримиз бизни катта қилиб, вояга етказиб, оёққа турғазганларида, бизга суюнишга ҳақли бўлмайдиларми?

Ойбек: Ҳақли. Фақат мен айнан ўзим оёққа турмокчиман. Ўзим, тушунасанми, ўзим.

Санжар: Ўзим, ўзим. Ўзимлайверасанми? Хозир гап сенда эмас. Азалдан ота-она ўз ўғлининг касб ўғанишига, тўғри йўлни топиб олишга ёрдам берган. Ўз ҳунари сирларини ўелига ўргатган ва ѡқазо...

Кундуз: Айнан мана шу одат ноёб қасбларнинг, нозик ҳунарларнинг сир-синоатлари буткул йўқолиб кетишига ҳам сабабчи бўлган.

Санжар: Бу нима деганинг? Аксинча, ҳунар авлоддан-авлодга ўтиб борган...

Кундуз: Ўзинг айтаяпсан-ку — оталар ўз қасблари сирларини фақат ўғилларига ўргатишган, холос. Боласи отасига ўхшаб иқтидорли чиқмаганда эса, қасбнинг сири ўща бола билан биргаликда кўмилган. Кўпгина ҳунарлар шу тахлит йўқ бўлиб кетган...

Санжар: Нима, сен анъаналарга қаршимисан?

Кундуз: Асло! Мен фақат ҳар бир нарсада маъно бўлиши, ҳар бир нарсага ақл билан англаб ёндошиш керак демоқчиман холос.

Санжар: О-о-о! Энди мен қолиб урф-одатларимизга хуруж бошланди, шекилли. Қундуз ота-боболардан қолган анъаналаримизни ўзgartирмоқчи! Қундуз, сенинг ақлли қиз эканлигингта шубҳамиз йўқ, лекин бу ерда ақл ортиқча. Сендан олдин ҳаммаси ўйлаб, аниқлаб бўлинган, энди ундан фақат фойдаланиш керак холос. Ўлашнинг кераги йўқ.

Кундуз: Аксинча, ўлаш, фикр қилиш ҳар доим керак.

Санжар: Ўйласант-ўйламасанг, ҳеч нарсани ўзgartиромайсан.

Ойбек: Йўқ! Ўзgartириш керак!

Санжар: Чепуха! Гапларингнинг ҳаммаси чепуха! Бўлмаган, бекорчи гаплар.

Ойбек: Тушунмадим. Менга гапираяпсанми?

Санжар: Ҳа, сенга! Умуман ҳаммаларингта.

Равшан: Қани, қани, эшитайлик-чи...

Кундуз: Керак эмас, Равшан, қўй уни. Ундан яхши гап чиқмайди.

Равшан: Нимага? Санжар айтганидай, бу ер дискотека — эркинлик зонаси. Бугун бу ерда ҳамма ўйлаганини, нима хоҳласа шуни гапириши мумкин. Гапир, Санди.

Санжар: Балки ҳожати йўқдир?

Равшан: Нимага, жуда ҳожати бор-да.

Ойбек: Сўзла.

Санжар: Сўзлаганим билан сен ҳеч нарсани эшитишни хоҳдамаяпсан-ку! Ҳали ҳеч бир нарсанинг уддасидан чиқмай туриб, ўзингни ҳамма ишни қойилмақом қилиб қўйган қаҳрамон қилиб кўрсатаяпсан! Сизлар эса, унинг бурни қонашини кўриш учун бу авантюрга гиж-гижляяпсизлар.

Равшан: Сенингча биз Ойбекни калака қилиб ўтирган эканмиз-да?

Санжар: Бўлмасам-чи! Фақат аҳмоқ, калласи йўқ одамгина бундай афсонага ишонади. Фақат аҳмоқ одамгина иссиққина уйини, унинг учун ҳамма нарсага тайёр турган ота-онасини қақшатиб, севган қизини, дўстларини ташлаб, қандайдир дискотека учун бир ёқларга кетади. Одамнинг қилаётган ишида мантиқ бўлиши керак. Сенинг ўша дискотеканг шунча қурбонликка арзидими?

Кундуз: Жиддий айтаяпсанми?

Санжар: Албатта. Бу ҳаммаси — туш, Сароб. Ҳўш, ўша томонларда дискотека барпо бўлди деб ҳам фараз қилайлик, гарчи бунга мен мутлақо ишонмасам ҳам. Ҳўш, нима бўлди? Кимга керак ўша жойларда дискотека? Ҳеч кимга! Ҳозир бошқа замон. Мақсад пул килишиши - бунинг ўйлари жуда кўп. Бозор, савдо - сотиқ, ўй-жой олиб сотиш, хуллас ақлни ва оёқни ишлатсанг бас! Сўм, бакса, евро — келаверади. Сенинг дискотеканг, кечиравсану, қуруқ гап. Дискотекангга борадиган аҳмоқ топилармикан ўша сен айтган ерларда. Бир ойдаёт банкрот бўласан-қоласан. Янгитдан велосипед ихтиро қилишининг нима кераги бор?

Равшан: Ҳали жуда оғиз кўпиртириб, "дискотека бу ёшларнинг эркин зонаси, улар бу ерда ҳамма нарсадан озодлар" деб катта гаплар қилаётган эдинг-ку, нега энди бирпаста фикринг ўзариги қолди.

Санжар: Фикрим ўзгаргани йўқ. Ҳамма ишнинг ўз ўрни бор. Ана кўряпсанми, анаву ёшларни. Бориб сўрагин-чи, қаерлик эканлар улар. Қаршидан, Намангандан, Бухордан... Булар Тошкентда жойлашиб олганлари. Колгандари эса, Россияда, Қозоғистонда

мардикорлик қилишашыпти. Так что, сенинг дискотеканың келадиган ёштар қолган эмас ўша ерларда.

Ойбек: Балки гапнингда жон бордир. Лекин бундай ахволни ҳозир ҳамма ерда кузатиш мумкин. Ўша Қозоғистону Россиянынг ўзидан ҳам қанча одамлар яхшироқ ҳәт илинжида чет элларда сарсон бўлиб юрибди. Агар ўз жойида дурустроқ иш, даромад топса, ким бошқа юртларда сигинди бўлиб яшагиси келди. Сенга ўхшаш пулдорлар маблагини кераксиз орзу-ҳавас деб ҳавога сарфламай ё хасислик билан ёстиқни ичига ийғасдан, ўша чекка жойларда кичик корхоналар очса ё бирор жўяли ишларга сарфласа, янги иш ўринлари яратилиб, ёшлар ҳам ўз ерига қаттиқроқ боғланиб қолармиди? Сангин аканинг ҳам, менинг ҳам мақсадимиз шу аслида...

Санжар: Ҳар ернинг тулкисини ўз лочини билан овлайдилар, оғайнини. Кашибадарёда ҳам қаҷон Ойбек акамиз келиб, бизга дискотека очиб берарканлар деб, оғзини очиб ўтиришмагандир. Сенга ўхшаган уддабурон ўша жойда ҳам бордир? Ҳар жойнинг ўз қонун-қоидалари бор. Улар нонларини тия қилишинга қараб туришмаса керак? Бу ерда ҳазил кетмайди. Шундай экан, Бек, бизнесинг ҳали бошланмасдан туриб энасини кўради деявер!

Ойбек: Бизнес? Ким айтди сенга буни фақат бизнес деб?

Санжар: Нима бўлмаса? Оммавий-маданий тадбирми? Ёки гуманинтар ёрдамми? Балки хайриядир?! А?

Ойбек: Сенинг тилингда буларнинг ҳаммаси ҳақоратта ўхшаб эштилаяпти.

Санжар: Ҳақорат эмас, Бек, бу ҳақиқат. Бундай хайрия ишларни қилишдан аввал яхшигина маблағ тўплаш керак бўлади.

Ойбек: Қанақа маблағ? Сен ўйлагандай бирини дўпписини бошқасита кийдирib, алдаб пул топиши?

Санжар: Кечирасан, дўстим, киноянгни ножӯя ишлатдинг. Мен алдаб деганим йўқ, ишлаб топиш керак дедим.

Ойбек: Қандай қилиб?

Санжар: Қўлидан келганича. Масалан бизнес орқали.

Ойбек: Бизнес дегани нима ўзи? Мен омига тушунтириб берсанг. Бизнес дегани фақат муттаҳамликлини?

Санжар: Бизнес бу ақдни, каллани ишлатиш дегани. Агар ақл бўлмаса, унда эшшакдай ишлайвериш дегани.

Ойбек: Равшан, эшитаяпсанми? Сен фирт аҳмоқ экансан. Қурувчи бўлиб ишлаб юрибсан. Қурилиш материалларини жойига ишлатдим деб, унинг бир қисмини мўмайтина сотиб юборишинг мумкин. Сабоҳат, сенинг онанг ҳам нотўғри иш тутадилар. Эртао кеч ишлаб, клиентлардан кўпроқ материал талаб қилиш, кўпроқ пул ундириши хаёлларига ҳам келмайди. Менинг ота-онам-чи, о-о-о-о! Ўта содда одамлар. Бутун умр ўкувчилару студентларнинг қуруқ раҳматига ишлаб келишади. Бир жавон қозоз — раҳматномалар, фахрий ёрлиқлар, открытка телеграммалар.

Санжар: Худо ақл бермаса, шунақа-да!

Ойбек: Нима дединг?

Санжар: Эшитанинг...

(Ойбек Санжарга ташланади. Равшан, Кундуз, Сабоҳат уни ушлаб қолишиади)

Феруза: (чинқириб юборади) Болалар, уришманлар, илтимос...

Ойбек: Сен, ифлос менинг ота-онамга тил теккизма! Сен ҳали ўша бизнесингда бирор тийин ҳам ишлаб топмагансан. Сен меҳнат нима эканлигини биласанми? Отантнинг пулита кариллаб юрибсан...

Санжар: Нега бўлмаса гадойга ўхшаб мендан пул сўраб юрибсан?

Ойбек: Сенданми? Мен пул сўрадимми? Тупураман сенинг пулларингга!

Санжар: Пулларимга тупурсанг, дискотеканг нима бўлади?

Ойбек: Бу сенинг ишинг эмас.

Санжар: (Сабоҳатни кўрсатиб, масхарараб) Мана, тикувчи қайнанангдан сўрасанг, ёрдам қиласди.

(Равшан Ойбекни қўйиб юбориб, Санжарга бир мушт тушуради.)

Санжар: Айтдим-ку, ақл ишламаганда, қўл ишлади деб.

Равшан: Яна керакми??

Кундуз: (Равшанинг ўйини тўсади) Керак эмас, Равшан. Қўлингни ҳаром қилма. Бу...

Санжар: Ҳозир мен сенга кўрсатиб қўяман. (Телефон қила бошлади) Алло! Милициями? Мени кўпчилик бўлиб...

(Кундуз Санжарнинг қўлидан телефонни тортиб олиб, батарейкасини чиқариб олади)

Кундуз: Кечирасан, телефоннинг батарейкаси тугади.

Санжар: Қўрқоқлар! (кулиб турган Кундузга қараб) Нега ишшаясан?

Кундуз: Ниҳоят асл баширангни кўрганимдан кувонаяпман. Яширишга кучинг етмади. Жуда зўр бериб уриндинг, бўлмади. Чидолмадинг. Ўртага пул аралашгандан сўнг, чидаётмадинг.

Санжар: Сенлар мен билан фақат пулим борлиги учун дўст тутиниб юрасанлар. Ҳа, менда бор, менда ҳамма нарса бор. Мендаги бор нарса сенларда хеч қачон бўлмаган ва бўлмайди ҳам!

Кундуз: Ниманг бор сенинг? Пулингми? Сенда бир тийин ҳам йўқ. Пул ҳаммаси отангники. Отангнинг чўнгагидаги пул билан гердаясан сен. Бутун ҳам ўзингни кўрсатиш учун Ойбекка пул бермоқчи бўлдинг. Мақтанишга мақтандингу, кейин, пулни қаердан оламан, деб қўрқиб кетдинг.

Санжар: Келиб-келиб сенларга бераманми? Пул ҳайф сенларга!

Кундуз: Аввалига Ойбекни табриклиётган, ёлғон ваддалар бериб, унинг дискотекаси учун кетма-кет қадаҳлар кўтараётган эдинг. Масала жиддийлашганини сезгач, шартта касетани ўзгартирдинг. Зўр бериб уни қоралай бошладинг. Ҳўш, сен "бизнесменнинг" қайси гапнинг ишониш керак? Қайси бири сенинг ҳақиқий баширанг?!?

Санжар: Сен ўзинг-чи, ўзинг фариштамисан? Зўр бериб ўзингни Ойбекка ҳайриҳоқ кўрсатмоқчимисан? Аслида Ойбек ҳам, унинг осмондаги орзулари ҳам сени заррача қизиқтираётгани йўқ. Сени фақат мен қизиқтираман ҳалос. Пайти келганда мендан ўз қасдингни олиш ниятидасан. Шундай эмасми?

Кундуз: Сендан? Қасд олиш? Бу нима деганинг? Очиқроқ гапир!

Санжар: Айтардим-ку, бироқ ўзингга ёмон бўладида...

Кундуз: Йўқ, айтасан! Мард бўлсанг, айтасан!

Санжар: Ҳафа бўлмайсанми?

Равшан: (чидай олмасдан) Гапир гапирадиганингни, олифтагарчилик қиласанг!

Санжар: (Равшанга) Бўлмаса қулоқ солинглар!... Кундуз, мактабдагимизда менга ёзган ишқий хатларинг эсингдами? Ҳаммасини сақлаб қўйганман, хоҳласанг қайтариб беришпим мумкин. Ҳўш, бунисига нима дейсан?

(Кундуз юзларини қўллари билан тўсиб, йиғлаб юборади)

Феруза: Санди, Санжар, шу қадар пасткашмисан-а? (йиғлаб юборади)

(Равшан Санжарга ташланади. Ойбек унинг ўйини тўсиб тўхтатиб юлади. Ўзи Санжарга яқинлашиб, кутимаганда бир зарб билан уни қулатади)

Ойбек: Аблаҳ! Йўқол.

(Санжар ҳам муштлашишга шайланади. Сабоҳат билан Равшан тўсиб оладилар, сўнг Кундуз яқинлашиади)

Кундуз: Тўғри, мен сенга ишқий хатлар ёзганман. Кейин ҳам ёздим. Фақат кейингиларини сенга беришни



лозим топмадим. Шу бутунги кунгача ҳам сенга бефарқ эмас эдим. Сенинг ҳуснинг, қадди-қоматинг, кийинишиңг, ўзингни тутишиңг ёқарди менга. Озигина мақтандыкликкага, гуруринг, жасурлигинг ҳам ўзингга ярашарди. Байрамларда қимматбаҳо совбалар улашишиңг, ўтириш-учрашувларда ҳаммадан олдин пул ташлаб, хотамтойлик қилишларинг ҳам ёқимли эди. Аммо ана шу фазилатларинг секин аста худбинлик, гердайиш, ман-манллик, ясамалик, шафкатсилик билан алмашиб бораётганини ҳам сезардим. Барибир күнглимнинг қаериладир Санжар жуда тамом бўлган эмас, у самимийлигини сақлаб қола олади деб ишонардим, ҳатто умид қилардим. Ферузага муносабатинг эрмак эканлигини сезсан-да, рашик қилардим. Бугун эса энг тубан алахуа айланганингн тўла ҳис қилдим.

Феруза: Ўзинг кетавер!

Санжар: Ия, сиззиям тилиз чиқиб қолипти-ку! Ҳали кетимдан итдай ялиниб келасан...

Феруза: Ҳеч қачон!

Ойбек: Йўқол, мараз!!

Кундуз: Йўқ, тўхта Санжар! Мана бу хатни ол! (Чўнтағидан ҳат олиб узатади) Бу менинг сенга ёзган сўнгти ишқий мактубим. Буни кеча ёзган эдим. Ол!... Энди кет!

(Санжар каловланиб, бироз туриб қолади. Сўнг чиқиб кетади.)

Равшан: Яхши иш бўлмади, болалар...

Феруза: Бети қурсин, у ҳақда ўйлашни ҳам истамайман...

Равшан: Балки вақти келиб у ҳам тушунар. Мен Санжарнинг яна даврамизга қайтишини хоҳлардим.

Ойбек: Болалар, тушунинглар! Бирорвоннинг қўлига қараб, текин тамоқ бўлиб ўтириш ҳам ёки ҳаммага ўхшаб бир хил ҳаёт кечиришга мажбурлаша ҳам онгли инсонни таҳқирлаш билан баробар. Гё ќандайдир бир куч тажриба ўтқазаётгандек. Тажриба муваффақиятли тугагач, минглаб, миллионлаб нусхалар кўпайтирилгандек, умр тақорланиб ўтаверади. Менимча уни фақат қашф этиш, ўзгартириш, ўз аклинг, ўз қўлларинг билан яратиш иштиёқи завълантарида. Ўтаётган кунларинта мазмун, ранг беради. Мен балки ўзим орзулагандек дискотека куролмасман чекка ерларда. Ундан бир дунё пул топиб, бойиб ҳам кетмасман, балки. Ёки аксингча ҳам бўлар. Ҳар қалай мен ақдим етган ва қўлимдан келадиган ишга уннаб кўрмоқчиман. Мен учун муҳими — натижаси қанақа бўлишидан қатъий назар, ўз ишими очиб, ўз йўлимдан юриш. Керак бўлса, бирорларникага ўҳшамайдиган ва ҳеч кимдан кам бўлмайдиган ўз ҳаётимни яратмоқчиман. Мени хаёлпараст дейсизларми, тентак ёки ҳатто аҳмок дейсизларми ўзларингиз биласизлар. Барибир фикримдан қайтмайман!

Парда

7-қўриниш

Ёник парда олди, гўё вокзал томон йўл. Саҳнадан Мастура, Гулнора чамадони билан, Сабоҳат йўл сумкаси кўтарган ҳолда ҳамда синфдош дугоналар Феруза, Кундуз ўтиб бораодилар. Орада бир ҳафта вакт ўтган.

Гулнора: Бизники купейний... Поезднинг бошрогида, тезроқ юрайлик, қизлар...

Мастура (йиғламсираб): Гулнор, нақ бағримни шилиб кетяпсан-да! Ёши ўн саккизга етиб, бирор кун кўзимдан нари бўлмаган эди. Қандоқ чидарканман-а?! Ишқилиб яхши бўлармикан?!

Сабоҳат: Ойижон, бегона юрга, бегоналар олдига кетаётганим йўқ-ку! Холамнида яшасам, холам билан ишласам, нимасидан хавотир оласиз?

Гулнора: Опа, обидийданни бас қилгин! Мунча ташвиш чекмасанг? Жуда ичиксанг, уч-тўрт ҳафтадан кейин бир борарсан Малоҳатни олиб. Баҳонада ҳаво алмаштириб, ўйингдан бошқа жойлар борлигини ҳам билиб, кўриб келасан. (*Ўтиб кетадилар. Улардан кейин синфдош дўстлар — Санжар, Равшан, сумка кўтариб олган Ойбекни қуршаганча саҳнадан ўтиб бораодилар*).

Ойбек: Болалар, мана кўрасизлар, бир йилдан кейин сизларни Қашқадарёга, дискотекага чақираман.

Равшан: Нима деяпсан? Нима биз бир йил қачон Ойбек чақирав экан деб кутиб ўтирамизми?

Феруза: Бир ойдан сўнг бизни кутавер. Бир Қарши томонларни гуллатиб келамиз...

Ойбек: Бўлти, бўлти, болалар, кутаман... (*йигитларнинг ортидан Шавкат ва Дилбархон ўтиб бораодилар*).

Дилбархон: Адаси, бундай шошила қолмайсиз-а! Болалар илгарилаб кетишиди, йўқотиб қўймайлик, тағин.

Шавкат: Йўқотиб бўлдинг ўғлингни, яна нимасини йўқотасан...

Дилбархон: Ахир ўзингиз ҳам розилик бердингиз-ку!

Шавкат: Эртаю кеч мингиллайвергандарингдан кейин, хўп дедим-да. Қани кўрамиз, бузоқнинг юргураги сомонхонагача... Бир-икки ҳафтада бурнини оқизиб, "ойижон, қийналиб кетдим" деб йиглаб келмаса, отимни бошқача қўяман.

Дилбархон (ҳазилнамо): Ҳай-ҳай, ҳай, адаси бу гапингиздан қайтинг. Яна сизнинг Шавкатидла номингиз колиб, Йўлчивой ака деб юрмай...

Шавкат (жисдий): Ҳали кўрасан, "йўлчи" кимлигини! (*ўтиб кетадилар. Поезд юриши эълон қилиниб, вагонлар силжиган овозлар эшишилади. Саҳнага синфдошларини кузатиб, Феруза, Кундуз ва Равшан кириб келадилар*).

Феруза: Болалар, Сабоҳат билан Ойбекка жуда ҳавасим келяпти.

Равшан: Ҳа, улар ҳақиқий романтиклар...

Кундуз: Жуда ичидан пишган экан икковиям. Гапни бир жойга кўйиб, йулини топганини қаранглар, буларни.

Феруза: Нима, сенниам ҳавасинг келяптими? Ё ҳасад килаляпсанми?

Кундуз: Унисиям, бунисиям...

Равшан: Қизлар, ичинглар қуrimасин. Хўп десантлар, бир-икки ойдан кейин бориб келамиз.

Феруза: Йиккаласи бир жойга бормаса керак. Айтган туманлари бошқа-бошқа-ку! Вагонлари ҳам бири бу бошда, иккинчиси охирроғида.

Кундуз: Феруз, жуда соддасан-да... Вагони бошқа бўлгани билан, поезди бир-ку!

Равшан: Туманлари ҳам бошқа-бошқа бўлгани билан, манзиллари бир. Энг муҳими юраклари яқин, кўнгиллари бир. Мана шуниси зўр-да!

Феруза: Боллар, бугун коллеж битириувчилари учун марказдаги дискотекада шик "хит"лар бўлар экан. Крутой эстрадниклар ҳам келаркан... Кетдикми?!

Барчалари: Кетдик...

(Хаммалари югуриб кетадилар. Шўх, шовқинли замонавий мусиқа садолари янграйди).

ХОЗИРЧА ТАМОМ!

